

EQVITIS POL



7430

Prophetia S. Fuldegardis Brocii J. XV.
Fol. 465.

Saluatores nominantur. ab Equite fol. 4.

1626

Ioannis Brocii Curzelomensis
Medicus Doctoris ordinarii
Astrologi. post mortem ipsius
Bibliotheca maioris Collegii in
Academia Cracouensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc.

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.
Procul este prophanus.

inter 9 et 10 reperitur Proca Davidova Zahreanu Calceu impo-
sit. ubi lacy non exprimitur, scriptum maledicium ab ipis legibus confirmatum
sub nomine Zahreanu. Proca confirmante curialem. omni animi quid in M.

continuantur ego audui ex ore Frederici Sebastiani
legatus. quidam enim et alii. Zahreanu vero panger
Acronius studuit wacy Burmann consuetudines nulli modo
Concordia in hoc volumine. Sive potuit alio, quam
ex relatione legationis.

- 1 Equitibus Poloni actio in legibus prima
- 2 Spongia contra Equitum Rassei
- 3 Actio Arnoldi in Parlamento Parisiensi
- 4 Passaratus de rudibus
- 5 Actio Pauli quinti pro Republica Veneta Oratio
- 6 Gracy deliberatio de componendo amodo coram legibus
- 7 Odoratus na hylus prope legationem Hungaricam
- 8 Responsio ad representationem legationis
- 9 De Ignatio Corneo Zahreanu Calceu impo-
- 10 Oblatus prope legationem Hungaricam
- 11 Tercia obit prope legationem procy
- 12 Vindicta adversus Zahreanu
- 13 Conspectus comitum Zahreanu
- 14 Encomiasticum Bonae. stylo divissimo
- 15 Gracy prope legationem, Conspectus
- 16 Epistola eadem ad quendam
- 17 Ad funebrem Regis Polonae scripta Lepore
- 18 Widok statagoracy legationis. Xaverius obit.
Destinatio amabunda
Conspectus benedictio.

Iam. Manana Hispania defecta hinc 120
 Antiqui temporibus qui ex Monachis Episcopi assumunt
 Antiqui exhibent numerum vix hinc, restat etate
 vix aut altum eorum non tam de integritate
 quam multis antebus ambrosius eundem esse possit
 consideramus. Vnde hinc vnde caput.

pedagog

31-19

variis

Cism. 5122-5140



Pedagog. pol. 202-220.

XIX d. 24

ORATIO,
M. ANTONII ARNALDI
ADVOCATI IN PARLAMENTO
Parisiensi, & antea Consiliarij ac Procuratoris
generalis defunctæ Reginæ ma-
tris Regum.

Pro Vniuersitate Parisiensi actrice
contrà Iesuitas reos.

Habita IIII. Et III. Idus Julias clō. Is. xciv.

*Nunc primum Latina facta, Et missa ad
Senatum Populumq; Vilnensem.*



LVGDVNI BATAVORVM
Ex Officina Ioannis Paetsij &
Ludovici Elzeuirij.
ANNO clō. Is. xciv.

OFFICE
M. ANTONI ARNALDI
ADVOCATE IN PARLIAMENT
AND COUNSELLOR AT LAW
IN THE KINGDOM OF ITALY

His Excellency the President of the Council
of Ministers
Rome
Italy
April 26th 1864

PROFESSOR E. B. ALVAREZ
Ex Officio for the Faculty of
Law
Rome

SENATVI POPVLOQVE VIL,
nensi, in Magno Ducatu Lituaniæ.

S. P.

NON omnes auctoritati cedunt, quia certam
auctoritatem iustamq; non vident satis:
Non omnes rationi, quia multis tenebris fo-
ris, intus difficultatibus impedita. Exemplis vel pue-
ri doceri possunt. Quapropter exempla rerum in pub-
lico exstare necesse est, ut in ea quæ sunt opus omnes fa-
cilius integroq; animo consentiant. Si quod autem ex-
emplorum theatrum est hac memoria nostra, ante o-
mnia scitis, viri Amplissimi, id esse Galliam: cuius
regnum florentissimum antè, nunc suis propè viribus
& alienis artibus attritum est. Artes autem foris
tanquam in plantarijs obscuris gignuntur: quæ, si ma-
læ sunt, in alienum agrum facile importantur, edu-
canturq; maximo recipientium malo. Tum si artifi-
ces accedunt ad transplantandum commodi, & ad cul-
turam peruigiles, luxuriantur artes illæ & siluescunt
adeò, ut nativæ semina præsocentur. Hoc Gallia, proh
dolor, jamdiu experta est: & propterea hoc ipso anno
de novis hospitibus & inquilinis suis, quos Iesuitas
vocant, in summa Regni illius Curia graves exposu-
it querimonias, quæ auctoritate publica in lucem fue-
runt his paucis diebus editæ. Res est gesta in foro
Europæ celeberrimo, Parisiensi Curia, ibi oratio edita:
ibi privilegium datum: quorum hic exempla fide opti-

4.
ma curauimus exarari. Hoc exemplum in omneis gen-
tes disseminari interest Reipub. Christianae, ut omnes
videant quibus hospitibus utantur domi. Quum au-
tem hospites eiusmodi nuper in Rempub. vestram audi-
ui ingressos esse: hoc exemplum recens cum pro meo in
omnes studio, in oculos omnium proferendum duxi,
tum vestro amplissimo nomini, pro meo in vos officio
inscribendum. Rogo quicquid à me est officij, id ac-
cipiatis in bonam partem: quicquid exempli aut docu-
menti, id in rem vestram vsumq; veritatis salutarem.
Ita vos Deus amet, amplissimi viri, & sit propitius
ad salutem vestram, ac utilitatem omnium.

Lugduno Batavorum, Nonis Nouembribus,
CJD. ID. XCIV.

ARGVMEN-

QVV M aduersus actiones Parisiensis vniuersitatis quamplurimas Iesuita sese per diuicorum praesidio defendissent, quibus erat usui opera ipsorum, ut immanes & exitiabiles suos conatus perficerent: tandem celebri vallo- rum doliarium die, siue Regifugij (id enim diei funesto nomen est inditum) id illi assequuti sunt, ut imperium Lutetiae furenter exercerent, & in praecipuis quibusque Regni ciuitatibus seditionis incendium excitarent, concionibus suis ac confessionibus memoriam defuncti Regis proscindentes, & Maiestatem Regis regnantis in hos tempore, quam omnibus modis quos excogitari pote est, laeserunt atrocissime, Postremo autem ut facinora suae impietatis amplius cumularent, dederunt illi operam ut per quendam Barrerium, qui Meloduni supplicio ultimo affectus est, Rex trucidaretur: sic enim sicarius ille in morte confessus est. Haec res in causa fuit, cur primum consilium ab Vniuersitate Parisiensi coeptum, ex quo urbs in potestatem Regis reuersa est, fuit huiusmodi; ut Iesuitas ex regno Galliae exterminari postularent: atque in eam sententiam libellus supplex fuit supremae Curiae Parlamenti aduersus illos oblatum. Quum autem illius Curiae per dies aliquot auctoritatem homines isti neglexissent, tandem Aresto compulsi uel Senatusconsulto facto ante diem Iouis septimum Iulij, anno 1594. quo placuit damnari Iesuitas eremodicti seu deserti radimonij, die Lunae proxime sequente, in auditorio publico, sine dilatione ulla, nisi comparerent; fecerunt ut ad diem illum, antequam audirentur cause, Aduocatus ipsorum in magnam cameram, quam vocant, intromitteretur. Hic exposuit Curiae, ad defensionem cause Iesuitarum, qui patrocinium ipsius desiderauerant, cogi se res quamplurimas efferre palam ijs molestas futuras, qui partibus Regis sese adiunxerant, & seruos Maiestatis illius se profitebantur, ac propterea petere se, ut haec causa in secreto agatur, ostijs camerae (ut loquuntur) clausis. Atque haec quidem ars Iesuitarum fuit, ut impedirent ne miser populus (quem hactenus carminibus suis vocibusque fascinarunt) fraudes ipsorum manifeste cognosceret, conatusque perniciosissimos

6.

ciosissimos de Europa tota sub iugum submittenda Hispanie: quæ ars ex improviso exercita illis tam cessit commodè, ut causam hanc agi in secreto Curie placuerit. D. Antonius Arnaldus. pro Vniuersitate dixit. D. Ludouicus Dolleus, pro Curionibus Ecclesiæ Parisiensis Vniuersitati iunctis. D. Claudius Duretus pro Iesuitis. D. Iacobus Ambastanus, Medicus Regius, Rector Vniuersitatis, orationem Latinam contra Iesuitas habuit. D. Seguerius pro Generali Regis Procuratore perorauit.

ORATIO

D. ANTONII ARNALDI, ADVOCATI IN CURIA PARLAMENTI
pro Uniuersitate Parisiensi
agente.

CONTRA

Iesuitas reos ad 12. & 13. Iulij, 1594.

AMPLISSIMI viri Domini consultissimi, in actionem institutæ huius causæ sumus ingressuri, protestatione planè contraria illi quàm aduersarijs nostris visum est adhibere. Nam pro eo quod hesterno die exposuerunt passim, nos clausis ostijs in secreto propterea hanc causam acturos esse, quod se denunciauerint multa contra certos homines dicturos esse, qui ad obsequium Regis reuersi sunt, & qui diebus singulis vitam suam periculis belli pro seruitio eius non dubitant exponere: Nos contra hoc loco protestamur, nemini aut verbo aut consilio futuram offensionem hanc orationem nostram, qui non sit adhuc hodierno die Hispanus verus & Hispanicarum partium studiosus,

Huius differentia, quæ inter has duas Protestationes interuenit, ratio est euidentissima. Nullum enim officium Regi Hispaniæ Domino suo gratius facere lesuitæ possunt, quàm si eos hoc loco infamauerint, per quos grauissimè fuit irritatus: præsertim quod ciuitates potentissimas & momenti maximi, reposuerint in manus illius, qui maximus est ipsius hostis, & à quo plus sibi imminere sentit periculi. Ex contrario autem Parisiæ Uniuersitas, filia primogenita Regis (cuius ago causam in

iam In hoc tempore Non potest vllum grauius præstare officium Maiestati eius, quàm vt religiose legem seruet *aiuntias*, cui debemus omnes tranquillitatem præsentem & futuram nostram.

Memini apud auctores me aliquando legere, quo tempore tessera ad pugnam Pharsalicam fuit vtrinq; data, & tubæ crepuerunt, viros aliquot bonos profectos Roma; & Græcos alios ibidem agentes, licet extra belli aleam positos, dum omnia tam propè à periculo abesse viderent, cum animis suis expendisse in quas angustias Romani illius imperij vires adductæ essent. Etenim arma erant vtrinq; eadem, acies eodem modo dispositæ, signa communia & planè paria, fortissimi quicq; viri, ac velut flos delibatus eiusdem ciuitatis concurrens, magna denique potentia, quæ se ibat perditum, & insigne sui ipsius exemplum statuebat, ex quo intelligamus quanto pere natura hominis coeca & furiosa sit, omnisq; rationis expers, quum primùm sese ab vlla violenta perturbatione fuerit abripi. Nam profectò si omnia à se parta Romani regere & moderari arbitrato suo voluissent, iam tum maxima optimaq; terræ & maris pars in potestatem ipsorum deuenerat, cui ius dicerent ex animi sui sententia.

In eundem modum quisquis res nostræ Galliæ pervidens considerauerit ad quantam rerum amplitudinem, felicitatem, gloriam, opes atq; potentiam, Corona Galliæ iam euecta esset, nisi bella nostra plus quàm ciuilia impedissent; & tot florentes, strenuos, fortesq; viros (qui adhuc in viuis superessent, absque nostris motibus fuisset) plus satis suppeditaturos fuisse virium, quibus impetum in veterem illum inimicum nostrum Madritum vsque faceremus, deliciarumq; & Equirialis ipsius leges ferremus ipsi arbitrato nostro, præsertim freti auspicijs Magni illius Præstantisq; Imperatoris exercitus,

exercitus, cui Navarrica sua ditio, & Tarraconensis, & Lusitanica proiectis ulnis videntur sese committere, vt ab horrenda ista tyrannide Castiliana liberentur: Quisquis ad hæc, inquam, animum aduerterit, non poterit sanè, quin iustissima ira summaq; indignatione rapiatur aduersus eos, qui in numerum nostrum submisisti sunt, vt magnum illud incendium excitarent, indefinenterq; fouerent, quo hæc Monarchia antè florentissima, iam fermè consumpta est.

Hos autem homines Iesuitas esse, mortalium nemo dubitaturus est, si duo genera exceperis: quorum hi vsq; adeò sunt à natura timidi, vt se adhuc putent versari in manibus sedecim virorum, id est, prædonum Hispaniensium, & Iesuitarum qui istis fuerunt à consilijs: illi verò ad fraternitatem & coetum ipsorum pertinent, qui periculosissimis quibusque votis sese damnauerunt, rationesq; ineunt quotidie clanculùm, quibus vrbes iustæ in partes ipsorum transeant, fiantque Iesuiticæ.

Verùm homines isti non aliter quàm voce submissa & muto quodam murmure mulsitant. Ab alteris autem partibus maximus & vniuersalis consensus bonorum omnium animaduertitur, cùm eorum qui ex hac vrbe æstu bellorum durante prodierunt, tum eorum qui permanserunt, & tanto studio ac contentione animi portas Regiæ Metropoleos patefecerunt Regi suo (nos enim omnes eadem metuere, eadem cupere, eadem odisse nunc oportet) tantum, inquam, studium omnium animarum, quæ quidem verè sunt Francicæ, animaduertitur: quæ verè exoptant huius regni amplitudinem atque incrementum: quæ iam fretæ indubitata fiducia vestræ iustitiæ itudhòq; vestri ad seruitium Regiæ Maiestatis, propulsant omnes istos occisores Regum, istos confesso-

res, & auctores hortatoresq; parricidiorum eiusmodi:
 & quidem propulsant longē extra Galliam totamq; di-
 tionem parentem floribus lilij, qui flores hostes sunt
 iuratisimi portentorum istorum, per quæ filiorum
 ipsius charissimorum vnus iam fuit dereptus, & parum
 abfuit quin funestum eundem nuncium de Rege præsen-
 te acceperit (quem illi iamq; cum animis suis, ope, con-
 silio & studio feruentissimo trucidarunt) eademq; die
 in terram plane affixerint, & in partes innumerabiles
 totam comminuerint laudatam illam columnam, qua
 hoc sceptrum nititur tot annos ab istis agitatam & con-
 cussam, proh dolor, ante oculos prudentium virorum
 omnium: qui in amplissimo hoc Gallix oraculo, præ-
 dixerunt non clausis (vt nunc) ostijs, sed patentibus &
 apertis planē, & circumstante celeberrima corona po-
 puli, non absimili ab ea quæ illic obseruat in aula maxi-
 ma & huc intromitti cupit: prædixerunt, inquam, non
 ambiguē atq; generatim, *ὡς Ἰούδας*, vt aiunt, sed perspicuē
 & circumstantijs omnibus, quas vidimus omnes, adhi-
 bitis, prænunciantes miseras, quas experti sumus, pro-
 cellasq; grauissimas, quæ nos vno digitulo (quod vulgo
 dici solet) in certissimam ruinam fuissent impulsuræ.
 Sed, eheu, vaticinia illorum, effata, monita, protestati-
 onesq; tam fuerunt inutiles, quàm ex veritate sunt: ve-
 ræ profectò Cassandra.

Ora, Dei iussu, non vnquam credita Teucris.

Cur autem? quid causæ fuit, quod isto veterno op-
 pressi sumus, & malis tam bene sagaciterq; præuisis non
 est medicina facta? Certè euidentissima est mali istius
 causa: illapsum erat in crumenas gratiosorum multorum
 istud aurum Hispaniæ, qui bellicas istas tubas sustenta-
 uerunt continenter atq; euexerunt: istas seditionis faces,
 ventos istos procellocissimos, qui omnem operam adhi-
 bent di-

11.
bent diligentissimè, vt malaciam illam tranquillitatēq;
Galliæ continentibus procellis tempestatibusque per-
turbent.

Eorum autem, qui integrè ab auro isto abstinue-
runt, bona pars nihilominus animo paruo ac minuto
fuit: vultus expalluit, contremuere manus, quum ma-
gnum illum & salutarem ictum feriri oportuit, ad resti-
tuendam libertatem Galliæ & exterminandos Sinonas
istos, quorum greges in nostrum numerum sinumq; ne-
fariè subiecti sunt.

Pauci exstiterunt è nobis, qui nimum, fortitudi-
nem, stabilitatemq; cum probitate illa coniunxerint: & 113
de his adeò prouisum est veteratoriè, vt rationes illic
adhiberentur, quibus aut eos de medio scelerati tolle-
rent, aut de omni gratia, omni authoritate decerent.

Sed tandem

Venit lustrus labentibus ætas.

Quum licet nobis non solum absq; metu (nec enim se-
putet quisquam metum nobis incurrere: jam diu è Gallia
fugissemus, si nos fabula ista debellasset) quum licet, inquā,
honestè atq; gloriosè aduersus istos poculorum admini-
stros dicere, qui potum rebellionis populo miscuerunt,
& corrupto pane periculossimè pauerunt ipsum, post-
quā massam Galliæ fermento Hispaniensi fermentassent.

Neque vero vos existimetis, ô Castiliani explo-
radores, ictum hunc vehementia ardorisque Gallici
refracturos esse, nosque ad moras iudiciorum longas nimum
& pro nocentibus compositas veteratoriè reuocare posse: 113

vt anno 64. olim perfecistis. Tum enim non aliter
de actionibus vestris sermo habebatur, quam per di-
uinationis modum. Quòd si vatus aliquis res fu-
turas animo præceperit, denos semper pro vno inue-
neris, qui de futuris rebus minime cogitent. Iam

Iam v^o quotusquisq; nostrum est, obsecro, qui aut suo corpore, aut fortunis, aut necessariorum, amicorumve iactura non senserit effecta horribilia coniurationis vestræ, & violentas executiones illas eorum mandatorum, quæ in cathedra veritati soli pietatiq; dicata dabatis plebi imperitæ: quum vos cathedram illam flamma, credibus, & blasphemis horrendis compleuistis, populo persuadentes Deum ipsum esse occisorem Regum, & ictum cuitelli apud inferos fabrefacti attribuētes cælo.

O Henrice tercie, mi permagne Princeps, qui hac commoditate in cælo fruēris, quod legitimum & generosum successorem tuum prospectas calcatis omnibus inimicis tuis iam iam tranquille regnantem in domo tua Lupare: qui hoc tempore ad eum respicis in Regni finibus perrumpentem, dissipantem, & vertentem in fugam acies Hispanicas, longe turpiorem foediorē fugam quam iactura præliorum decem futura esset: qui vides tormentis tuis labefactantem ciuitates vltimæ perduelles, comitatu sexies mille Nobilium hominum instructum, flagrantium impatientia, & gloriosam vindictam mortis illius tuæ continuo labore persequentium: adesto mihi in hac causa, & tuum illud indusium totum sanguine tuo cruentatum mihi ante oculos indefinenter pone, inde mihi vires in hoc tempore, vt afficiam omnes populares tuos dolore iustissimo, odio, & indignatione, quibus feruere ipso oporteat contra Iesuitas, qui impijs suis confessionibus, furiosis concionibus, & clandestinis consilijs cum Legato inimici tui, & cum scelesto veneni artifice, quo sublatu est vnicus frater tuus, indefinenter habitis, omnes miseras illas apporauerunt, quas miser populus tuus perpeffus est, vitæque tuæ exitium funestissimum.

Amplissimi

Amplissimi viri Domini Consultissimi, Imperator 13. Principio
Carolus Quintus, & filius eius P^umptus, postquam um narra-
se auro senserunt abundare, quod ex Indis tionis &
haustis aduehitur, spem illam maximam animo suo confirmat
complexi sunt, ausisq; immanibus sibi desponsam habu-
erunt Monarchiam & Imperium vniuersi Occidentis,
seq; familiam suam Austriacam in idem fastigium & am-
plitudinem per Europam, ac Ottomanorum familia
se in Asia extulit, consili sunt euecturos.

Atq; hi quidem prudentes Politici non ignorave- NB
runt, quanta sit Religionis, quanta scrupulorum con-
scientiæ vis in mortalium animos, & quam alte momen-
tis singulis in pectora hominum insinuent hæc sese atq;
radicentur.

Itaque vt maximam Curia Romanæ partem sibi
adiungerent, percommenda & facilis via ipsis constrata est
pensitationibus & opimis donatiuis Mediolanensibus,
Neapolitanis, Siculis, præter alia pretij incredibilis
quæ ab Hispania profluxerunt. Nota de his
hæc

Sed quia graue est quodammodo & sedentarium
(vt ita dicamus) quidquid in hac vrbe maxima verla-
tur, homines leuiculos, & mobiles hîc adhibere oport-
uit Regionibus singulis dispositos, qui ea omnia perfici-
cerent quæ ad commodum & propagationem rerum
Hispanicarum videntur pertinere. Homines isti le-
uitæ sunt, horrendo planè numero in omnes partes dif-
fusi. Iam enim quasi decies mille sunt: iam ducentas
viginti octo Hispanicas colonias instituerunt: iam in
ære habent prouentus annui amplius vicies centies co-
ronatorum aureorum millia: iam Domini sunt Comi-
tatum & Baroniarum amplissimarum in Hispania, Ita-
liaque: iam ad Cardinalitium fastigium peruenerunt:
iam deniq; propè est quum fiant Pontifices. Quod si

14.
ad annos adhuc viginti, vbiunque locorum sunt in
hoc tempore, duraturi essent, hæc proculdubio locu-
pletissima, potentissima, firmissimaq; societas inter
Christianos futura esset, & iustos exercitus stipendio suo
alitura: pro vt iam de suo numerant ad militarium co-
piram alimentum.

Quartum
votum Ies-
uitarum.

Istorum votum principale est, vt per omnia & in o-
mnibus suo Generali (quem vocant) & superiori obse-
quantur: atq; hic semper Hispanus est, & electione fa-
cta per Regem Hispaniæ datus. Demonstrat illud eui-
dentissimè perpetua experientia. Nam *Layola*, qui pri-
mus inter ipsos Generalis extitit, Hispanus erat: *Laynes*
secundus, itidem Hispanus: Tertius *Everhardus*, Belgæ,
Hispano subditus: Hispanus & quartus, *Borgia*: *Aqua-
dina* Quintus, qui adhuc Societatis istius Generalis,
Neapolitanus est, ex ditione Hispani.

Huius autem
voti quod numero quartum est, alienæ sunt horrendæq;
voces. Nam quousq; procedant animaduertite: vident
singuli Generali suo fore, vt in illo *Christum velut præsen-
tem agnoscant*.

Si Dominus Iesus Christus imperaret cœ-
dem, patranda esset. Si ergo Hispanus Generalis isto-
rum, tentari iusserit aut curari per alterum cœdem
Francorum Regis, id necessario fieri oportebit. *Pet-
rus* quidam Ribadenarius Iesuita historiam ipsorum
composuit, quæ Antvverpiæ anno 1587. impressa est,
& inscripta, *De vita Ignatii*. Hæc nos manifestò docet,
non alium scopum institutionis ipsorum esse, quam vt
res promoueantur Hispaniæ, vbi iamdiu antequam ali-
bi vsquam in orbe terrarum, recepti sunt. Hæc enim
verba istius libri pagina 146. Nam hæc societas nondum
nata in auctore suo Ignatio, primum probata est in Hispania:
deinde iam edita in lucem, in Italia Galliaq; grauiter oppugnata.
Ac propterea etiam nihil est quod tanta religione ob-
stringat.

Pringat eos, quàm vt dies & noctes Detin orent suppli-
ces pro armorum prosperitate & pro victorijs atque singularis
triumphis Hispaniæ Regis. Ista sunt eiusdem libelli Iesuitarum
verba pag. 169. *Dies noctesq; Deum nostris placare atque zelus in*
fatigare precibus debemus, vt Philippum Regem Catholicum inco- *Regem Hi-*
lumem, felicissimumque quàm diutissimè tueatur: qui pro sua *spaniæ.*

avita atque eximia pietate, summa prudentia, incredibili vigi-
lantia, maxima inter omnes qui vnquam fuerunt Reges potentia,
se murum pro domo Dei opponit, & Catholicam fidem defendit.
Quod quidem præstat non solum armis inuictus & consilijs salu-
taribus, sed etiam ijs sacrorum patrum excubijs, qui fidei Catho-
licæ Senatui præsunt.

Quapropter nemini profectò
mirum videri debet, si quamplurimi honorati viri se
Iesuitas hic precanteis auduisse affirmant, *Pro Rege nostro*
Philippo. Nullus enim Iesuita est in terrarum orbe, qui
semel saltem de die non fundat precationem istā: sed pro
ut res Hispaniæ se habent, & pro natura locorū vbi sunt,
vota sua publicè aut priuatim pro illo efferre solent.

Contrà verò apud omnes constat, homines istos Deum non
nullo pacto concipere preces pro Rege nostro. Nam orant pro
etiam iureiurando fidelitatis non sunt obstricti Maie- *Rege, nec*
stati illius: Imò vero ne habiles quidem & apti sunt *ei dede-*
sacramento aut iureiurando isti, cum nec corpus ipso- *runt fia-*
rum in Gallia fuerit approbatum, nec iusti sunt Vasalli *dem.*
Regni, sed puri potius Vasalli per omnia & in omnibus
tum Generali suo, tum Papæ simpliciter obligati. Quo
quidem argumento declaratur euidentissimè istorum
hominum coniuratio, certoq; certius euincitur ipsorum
votum ad subuersionem Regni contendere. Nam inde
ab annis quasi mille sexcenties, ex quo Religionem Chri-
stianam pretiosus sanguis filij Dei & Martyrum ipsius
irrigauit, ne fando quidem auditū est sectæ illius nomē,
quæ votis eiusmodi adeoq; horrendis sese obstrinxerit.

Quin

Quin viri Galliae Ecclesiastici tantum abfuerunt ab ea labe, seq̃ tanto opere his malis contaminare exhoruerunt, vt contra quotiescunque Pontifices hostibus huius Regni iniuste sese addixerunt, suamq; auctoritatem & potentiam, quam Deus ipsis ad ædificationem tribuit, occupare indigne voluerunt ad destructionem florentissimi in orbe Christiano Regni, cui omnia sua temporaria commoda accepta ferant necesse est: magnos viros & sanctos de numero suo habuerunt, excitauerunt, siterunt, qui communi consensu Ecclesiae Gallicanae istos conatus fortissimè à ceruicibus Galliae depulerunt.

Verum isto postremo impetu aliqua pars Ecclesiasticorum suxisse comperta est aliquid lactis venenati istius, & perniciosam istam doctrinam Iesuitarum pro indubitato axioma habuisse: quisquis tandem Pontifex electus est, licet omni tempore palàm stipendia faciat confessione omnium, & partibus Hispaniae hæreat, hostisq; Galliae sit iuratus: penes istum tamen potestatem esse exponendi totum Regnum prædæ, & subditos ab obsequio, quod iusto Principi suo debent, ab soluendi.

Hæc propositio schismatica, damnata, & ex diametro cum Dei verbo pugnans, quod potentiam spirituales tam longe determinat à potestatibus terrenis *ὅσον ἔργατος ἐστὶ δατὸ γαίης*, quàm cælum à terra: hæc propositio, qua stante Religio Christiana tam efficeretur aduersa rerum publicarum & Regnorum conseruationi, quàm verè commodum est ad constitutionem illorū adiumentum: hæc, inquam, propositio scelestæ, vbi in mentibus Gallorum aliquot sedem obtinuit, hæc nobis furores illos, cruenta facta, cædes & confusiones horrendas, quas ante vidimus, importauit.

Anno 1561.

Anno 1569. quidam Iohannes Tanquerellus, Baccalaureus Theologiae, sententia publica fuit multatus honoraria culpa suae deprecatione, eo quod suis The-
sibus inscribere hoc dictum fuisset ausus, esse in potestate Papae excommunicandi Reges. Anno 1589. mense Ianuario, quum mitteretur in consilium Collegij Sorbonae quaestio, vtrum subditi ab obsequio erga Regem praestando absolui possent, fortiter ex officio Faber Syndicus, Camusus, Chabotus, Faber Curio ad S Pauli, Chauagnacus, & seniores quique nefariam istam propositionem reiecerunt: sed maior pars, scholae Iesuitarum alumni, Bocherius, Pichenatus, Varaderius, Semella, Cuillius, Decretus, Auburgus, & alij innumeri vincente suffragiorum numero id obtinuerunt: contra quam omnibus axiomatis Regni Galliae prouisum est, & libertatibus Ecclesiae Gallicanae, quas Iesuitae abusus corruptelarumque nomine donare solent. Atque hi speciosi lectionum Theologicarum fructus, quas illi faciunt, scilicet:

Reges Galliae sunt primogeniti Ecclesiae filij: sunt inquam filij omnia virtute meriti quae mortales mereri de Ecclesia possent, propulsata & repressa Regum Castilianorum, Tarraconensium, & aliorum audacia, qui iuri Ecclesiae vim ullam facere aut derogare de eo voluerunt. Quum Papa agnoscat Regem filium primogenitum & Regem primum Christiani orbis, tum Galli ipsum vt Patrem Sanctum agnoscere sunt. Dum vero vitricus ac non pater, factiosus, ac non interuentor erit, dum inimico animo lacerare tentabit Galliam vt puram in ea imperium habeat, & flores liliaceos submittat suis pedibus, aut pro tropaeis adnectat insignibus Hispaniae, quae tanta diuersitate sunt,

Littora littoribus contraria, fluctibus undas

Imprecor, arma armis: pugnent ipsique nepotes.

Ita maiores nostri vixerunt olim. Gregorius quartus regnante Ludovico Pio id sibi arrogare voluit, vt veniret ad excommunicandum Regem: sed Gallicana Ecclesia rescripsit Gregorio ipsum excommunicatum ad suos reuersurum. Idem quoque in Pontificem Adrianum factum temporibus Caroli Calui Regis.

O fortis & inuicta Ecclesia Gallicana, tu per illud tempus animis verè Gallicis, verè Christianis, religiosis verè abundabas: qui id in votis maximè habuerunt, vt per omnia & in omnibus morem gererent mandatis Dei, quæ semper iusta sunt, non autem omnibus factis insolentibus, conatibusq; cederent, quos Roma aut Hispania posset in Gallias instituere. Sed eheu, ex quo tempore inimici tui contra amplitudinem tuam coniurati nouas istas Castilianorum colonias ad te transmiserunt, istos sicariorum conuentus, quos solenne votum obligauit, vt Generali suo, homini Hispano, æquè obsequantur ac Domino Iesu Christo in terras descendenti, & ruant in cædes Regum ac Principum, aut eos trucidari per alios curent, in quos cestrum furoris sui transfuderunt: ex eo, inquam, tempore vbi sunt, obsecro, præclara illa Gallicanæ Ecclesiæ decreta atq; sententiæ? Quemadmodum in historijs de Gemellis quibusdam legitimis mortem vnus illorum exitum fuisse alterius: eadem quoq; legis istius natura est, ne quis ab obsequio, quod Regi debetur, possit discedere, quæcunque tandem Româ aduenerit excommunicatio. Hæc lex tam arctè hæret Reipublicæ, & vicissim illi Reipublicæ, vt diem exitij eundem vtrique esse oporteat, pro vt originis dies certè vnus est. Hoc illud obsequium est integrum, perfectum, atq; absolutum, quo obti-

obtinentur praelia, quo funduntur hostes, quo prouehuntur merita singulorum, & labores coronantur, sine quo nihil florere, nihil firmum aut stabile esse potest, Hoc certissimum vinculum, hoc ornamentum, & vis rerum omnium: *Nec regna socium ferre, neqtada sciunt: si duo soles sint, omnia peribunt incendio.* Itaque licet Primates, & Archiepiscopi, & Episcopi in Regno Galliae primas obtineant in Religionis causa, ante omnia tamen id quod opus est, ex æquo hono procuratur, vt præstent Iuramentum fidelitatis Regi: tantum abest vt contrarij voti iure simpliciter obsequi Papæ & in solidum teneantur.

Rex Sanctus Ludovicus forti animo, nec sine aspera quadam vehementia intercessit aduersus Bullas Romani Pontificis: vt ex Pragmatica sanctione eius cognoscimus. Perbellè sanè hoc factum illius Romæ ulta esset, si totam stirpem optimi illius fortissimique Regis potuisset extinguere: cui consilio perficiendo insudauit maximè his temporibus Cardinalis Placentinus titulo Legati Pontificij submissus in Galliam, qui omnes suas facultates, omnes vires, omnemque operam in eo consumpsit, vt legem Salicam euerteret: quæ lex certissimum est Palladium Galliae, sine qua flores Lirini non fuissent vnquam post omnem hominum memoriam, in tantum honoris gloriæq; fastigium conscensuri: & quæ nunc etiam efficit, vt hodierno die contra omnes artes, omnes prodiones, & dolos omnes Hispaniae flores lilij splendeant luculentissimè supra alia omnia, quæ superba atq; gloriosa in orbe terrarum existere aut videri possunt.

Sed videamus amplius, quæ fronte in Gallia commorari possint, quicunq; hoc, quarto & principali voto tenentur obsequi *per omnia & in omnibus* absolutè

Generali suo Hispano & Papæ, continentibus Mandatis, & minis Philippi Regis fatigato, cuius fauces premit Rex Hispaniæ pedibus per Neapolim, Siciliam, & Principes factionis suæ Romæ in vrbe ipsa habitantes: Papæ, inquam, palam affirmanti. *Cap. ad Apostolica, de sentent. & re iudic. in 6. Itemq; in Extrauagante Commun. C. Sanctam de Maioritate & Obed. subesse Romano Pontifici, omni humana creatura omnino esse de necessitate salutis.* Ne

autem quisquam existimet hæc dicta defendi posse, recepta distinctione illa temporalium & Spiritualium: animaduerti necesse est, vt se nominatim & disertis verbis caput declarat esse, & supremum, adeoq; Dominum absolutum Regum omnium Principumq; terræ, tum in spiritualibus, tum in temporalibus; affirmans sibi potestatem esse iudicandi eos, & destituendi de solio suo. Vterq; ergo, inquit, Est in potestate Ecclesiæ, Spiritualis scilicet gladius & materialis: sed is quidem pro Ecclesiâ, ille vero ab Ecclesiâ exercendus: ille Sacerdotis, is manu Regum & militum, sed ad nutum & patientiam Sacerdotis. Oportet autem gladium esse sub gladio, & temporalem auctoritatē spirituali subijci potestati. Nam veritate testante, spiritualis potestas terrenam potestatem instituere habet & iudicare, si bona non fuerit. Sic de Ecclesiâ & Ecclesiastica potestate verificatur vaticinium Ieremiæ, Ecce constitui te hodie super Gentes & Regna, & cetera quæ sequuntur. Ergo si deniat terrena potestas, iudicabitur à potestate spirituali: sed si deniat spiritualis, minor à suo superiori: si verò suprema, à solo Deo, non ab homine poterit iudicari: testante Apostolo, Spiritualis homo iudicat omnia, ipse autem à nemine iudicatur.

Quod si propositiones istæ, non errorem, non schisma sapiunt, quid aliud sequitur, amabo vos, quam vt statuamus nos omnes, qui paremus Regi, excommunicatos esse: Galliam vniuersam anathemati deuotam esse:

esse: infestam maledictione, & prædam Satanæ traditam: Et quam rationem seruauerunt maiores nostri, quorum virtus etiam hodie vitia nostra sustentat: quid instituerant, quum in casus istos & infortunia inciderunt: Rescripsit Philippus Pulcher Bonifacio Octauo Pontifici, non esse penes illum potestatem vllam in Reges Gallix, & si qui contra affirmarent, eos stultos & dementes esse. Legatur Bellarminus: audiantur conciones omnes, & confessiones Iesuitarum omnes: has propositiones vnâ cum Philippo Pulchro detrudent in imos inferos, & eos omnes qui publicè in conuentu Ordinum huius vrbs Lutetix bullam Bonifacii combusserunt, declarantes vacare per illud tempus Romanam sedem. Ille verò Bellarminus, Iesuita celebris, affirmat Pontificibus potestatem esse, destituendi Reges Principesq; terræ de statu ipsorum: nec alias rationes affert in medium, quam varios conatus consiliaq; tyrannica.

To. 1.
Contr. 3.
li. 5, ca. 3.

Benedictus decimus tertius Papa, Bonifacium stuit imitari: sed bulla ipsius libellum famosum continens aduersus auctoritatem Caroli sexti Regis in publico fuit lacerata: qui verò eam attulerant, in honorariam deprecationem culpæ condemnati sunt, & tintinabulis vehiculis probrosis exportati.

13

Ludovicus Rex duodecimus, qui idem Pater populi cognominatus est, tam exosus fuit Romæ, quam charus Gallix. Hic Iulio secundo Pontifici multas Italix vrbes donauerat. Iulius vt gratum animum ostenderet, Hispanos, Germanos, Helvetios, & Anglos in hunc concitauit. Itaque anno 1510. Rex Consilium Turonibus curauit haberi, vbi decretum est Iulium castigari armis oportere. Idem Pisano alteri Consilio placuit. Hanc ob causam Regem Regnumq; totum ex-

communicare ausus est Pontifex, & absolutionem omnibus his pronunciare, qui Gallum aliquem occidissent. *Alijs igitur fines adijctis, alios agris multatus, alijs vestigal impositus, Regna augetis, minuitis, donatis, adimitis; quis contulit in vos potestatem istam? Ad Deum enim quod attinet, is dixit vobis, Regnum vestrum non esse de hoc mundo.*

Atque hæc quidem grauis excommunicatio non potuit in Regnum Gallix perrumpere: verumtamen obtinuit plurimum in Nauarreno Regno, quod nobis erat coniunctum foedere, vbi non erant subditi aduersus conatus istos satis confirmati: Itaque factum est vt Ferdinandus Rex Arragonix meliorem partem Nauarrici Regni occuparet, dum Iohannes Albretanus, huius Regis, qui iam Gallix præest, Abauus, ageret in Gallorum exercitu.

Exoriare aliquis nostris ex ossibus ultor.

Atq; hoc loco me cogit necessitas vt aliquid dicam de Iesuitarum ortu: sed quam breuissimè, propterea quod aliò me instituta hæc causa auocat.

Origo Iesuitarum,

Anno 1521. dederunt Galli operam, vt hæreditas ei restitueretur, qui sua causa ipsam amiserat. Pomponem obsederunt, & ita quassauerunt tormentis grauitè, vt tandem expugnarent. Hic præerat Ignatius Layola cohorti vni præsidariæ à Castilianorum partibus: qui nihil intentatum reliquit ad defensionem loci, adeò vt crura ipsi effracta sint. Hæc res hominem eripuit militiæ suæ: sed quia in votis habebat *καταρδορ* & irreconciliabile odium aduersus Gallos, quale Hannibalis Carthaginienſis in Romanos fuisse legitur, iste homo ope maligni spiritus pestilente incubatu exclusit oua maledictæ istius & coniuratæ Iesuitarum manus, qui innumeros casus atque grauissimos Gallix nostræ attulerunt.

Natura

Natura prouidentissima fecit, vt fera cruentaque animalia parum fecunda sint: Læna vnicum foetum enititur, idq̃ in vita semel: si tam feracia hæc animalia essent, vt multa alia sunt, terra incolis caritura esset. Hic verò res planè admiranda est, quibus modis hoc sceleratum semen ad ruinam hominum desolationemq̃ genitum, pauculis annis luxuriauerit: cùm pro sexaginta capitibus, qui numerus fuerat dictus prima institutione ipsorum, ad decem vsque millia multiplicati sint: adeò vt si eadem proportionem deinceps pergerent excrecere, spatio triginta annorum amplius duodecies centies mille futuri essent, & integra regna Iesuitarum efficerentur.

*In bulla
anni 1543
sub finem.*

Non accesserunt isti in Galliam prolatis signis: nam simul nati, simul præfocati atq̃ extincti fuissent, Sed venerunt in paruula conclauia Vniuersitatis nostræ, vbi astutæ vulpes quum diu explorauissent omnia, consilijs Roma acceptis vsi sunt, & formati (vt vocant) instructi diligentissimè, quæ ad viros magnos & gratiosos in Gallia perscribebantur, gratiam honoremq̃ Romæ, quibuscunque modis possent, affectantes: à quo hominum genere semper huic Regno rei que toti publicæ metui quam maximè oportuit. His igitur modis quum se paulatim insinuauissent artifices, & tandem assequuti essent, vt Mœcenates sui Cardinalis Turnonensis & Lotharingus in sua causa præsides & iudices darentur sibi, tantum effecerunt inaudita Vniuersitate, ut duo illi adornati Indices Possiaci decreto vni subscriberent sua manu, quo statuebatur vt Collegium ipsorum toties antea reiectum in hac vrbe Academiaq̃ reciperetur, quamuis religiosa professione ipsorum depulsa, & abdicato illo quod sibi assumunt Iesuitarum nomine.

Hunc

Hunc vñm aditum ad tempus illud, & non amplius appetebant, certò sibi persuadentes se paulatim & sensim sine sensu tamen effecturos tantum numerum animarum Iesuiticarum suis confessionibus, concionibus, & institutionibus iuuentutis, vt tandem aliquando cum assequerentur omnia optata sua, tum Aduersarios suos euerterent, imperiumq; superbissimum in Rempublicam exercerent. Quam rem ante oculos & ora omnium inde à tempore Regifugij perfecerunt: donec tandem foelicibus auspicijs hæc Parisiorum vrbs in obsequium Maiestatis Regiæ fuit restituta.

Consilia

apud Iesu-

itas habita.

Quæ lingua? quæ vox hominis, si forte, satis esse possit ad enuncianda arcana consilia ipsorum, coniurationesq; tætriore conspiratione illa famosa Bacchanalibus facta, & periculosiores quam vnquam fuerint Catilinaræ, quum consilia habita sunt, tum in Collegio ipsorum vico Sancti Iacobi, tum vico Sancti Antonij in Ecclesia ipsorum: Ecquis locus, in quo Legati & Agentes Hispanici, Mendoza, Daguillo, Diægus Diuarra, Taxis, Ferianus, & alij suos conuentus quam abstrusissimos habuerint, nisi apud Iesuitas? & vbi, obsecro, Luchardus, Amelinus, Crucæus, Cromæus, & celebres prædones illi, infamesq; parricidæ, coniurationes suas architectati sunt, præterquam apud Iesuitas? quis responsionem illam sanguine non atramento scriptam fecit contra Apologiam Catholicam præterquam Iesuitæ? qui omne suum studium, operam, industriam consumpserunt, vt contrapersonam & iura Maiestatis Regiæ, quæ iam obtinet, effunderent quicquid vnquam in vniuerso mundo falsum & calumniosum excogitari potuit, quinam sunt belli homines illi, qui inde ab anno 1585, absoluere à peccatis viros nobiles recusarunt,

farunt, nisi darent fidem se in conirationem aduersus Regem suum, Regem (vt ita dicam) Catholicissimum venturos esse : in quem nihil aliud criminis poterant intorquere, nisi hoc quod non occubisset tanta celeritate ac Magi ipsorum & diuinaculi prædixerant : Quis urbem Petragoriorum perdidit, præter Iesuitas : qui seditionem publicam excitauerunt in ipsa Curia urbana penetralia venientes. Quis in causa fuit cur Rhedones deficerent (quorum defectio ad octiduum fuit, & tanti interfuit Britannia totius Aremorice) nisi Iesuitarum conciones : pro vt ipsi, ipsi inquam, in hac ipsa vrbe vulgari typis curauerunt : Quis Agendicum, Tolosam, Veromandos eripuit nobis, & omnes vniuersæ vrbes in quibus pedem homines isti posuerunt : Burdegalam excipio, vbi anteuertit eos nostrorum industria : & Nitiobrigas, vbi præsentia Ducis Niuernensis, mœniorumq; infirmitas animum ademit hīs, quos acrimonia veneni sui concitauerant.

Quæ est illa sedes, in qua duo Cardinales isti, qui se Legatos Apostolicos in Galliam prædicabant, suos coetus consiliaq; habuerunt, nisi Iesuitarum domus : & vbi locorum Mendoza Legatus Hispaniæ die festo Sanctorum omnium anno 1539. consilium sedecim virorum habuit, nisi in Iesuitarum Collegio, quum Rex in suburbia Lutetiæ irrupisset : vbi obsecro, sequente anno desperatum illud decretum factum est, committendum potius vt ciuium nostrorum, Incolarum Parisiensium nonageni de centenis perirent inedia, quam vt vrbs dederetur Regi : quis vinum, triticum, auenam præbuit deditis pignori monilibus Regis & sacratis Regno, nisi Iesuitæ : qui etiam postridie per Lugolium eadem penes se habere comperti, quam Rex

D.

in urbem.

in urbem hanc ingressus est? quis sedecim prædonum illorum consilio præfuit, nisi Comoletus, Bernardus, & Pater Odo Pichenatus? quo homine nullatygris sæuior Lutetiæ fuit, & cuius animo tam ægré fuit quam negotia publica aliter videret succedentia, quam ipse sibi spononderat, ut in rabiem miserabilem ex eo inciderit, & adhuc hodierno die seruetur catenatus in Collegio ipsorum, quod est Biturigibus. Optimè dicebat olim quidam, si in animos impiorum introspecti posset, fore in eis conspicuos *laniatus & ictus*, quando ut corpora vulneribus, ita *sauitia, libidine, & malis consilijs animus dilaceratur.*

Quo tempore Rex Philippus, inducto Lutetiam præsidio Hispanico Iesuitarum istorum persuasionibus, titulum speciosum habere voluit possessionis istius quam vi publica iamq̃ obtinebat, quem submisit ad hoc institutum, nisi Patrem Matthæum Iesuitam? cui nomen idem est, ac fuit cognomen alteri Iesuitæ Matthæo illi, qui Princeps instrumentum fuit conspirationis, quam Ligam vocant anno 1585. institutæ. Matthæus iste pauculis diebus, quibus in hac urbe commoratus est in Collegio Iesuitarum hospitans, literas scribi & subsignari curauit eas, quibus præclari viri illi, qui sese honorificè appellabant de nomine Consilium sedecim Regionum huius Parisiorum urbis, non urbem hanc solum, sed vniuersum Regnum dedebant Philippo Regi. Quod Consilium longè melius lectione ipsa literarum, quam alia narratione vlla docturi sumus.

Catholica Maiestas tua, ô Rex, cum vsque adeò erga nos benigna fuerit, ut nos opera Religiosissimi & Reuerendi Patris Matthæi faceret certiores non solum de suis sanctis studijs erga Religionem ad commune bonum, verumetiam sigillatim de suo animo, & primo &

primo & fauente maximè erga hanc Parisiorum urbem. Et paulo post. Speramus in Domino arma Sanctitatis ipsius & tuæ Maiestatis iuncta nos esse propediem liberatura ab oppressiōibus inimicōi nostri, qui nos adhuc inde à sesquianno circumseptos tenet ex omni parte munitionibus tam arētē, ut nihil in hanc urbem venire possit, nisi cum periculo grauissimo, aut armorum violentia: & plura etiam tentaret efficere, nisi à presidijis sibi metueret, de quibus placuit Catholica Maiestati tuæ nobis prospicere. Id certe apud Catholicam Maiestatem tuam possumus confirmare, non aliud in votis & optatis omnium Catholicorum esse, quàm ut videant Catholicam Maiestatem tuam obtinentem sceptrum huius Regni, atque in nobis regnantem: prout nos quoque libentissimè inter vlnas ipsius, tanquam Patris nostri, nos ipsos dedimus: aut certè ut aliquem stabiliat de posteris suis in possessione Regni. Quod si quem alterum quàm sese præsicere nobis voluerit, placeat Maiestati tuæ Generum certum sibi deligere, quem omnibus modis, studijs optimis, toto animo & obsequio, quale bonus & fidelis populus præstare potest, sumus Regem accepturi. Speramus etenim eam fore benedictionem Dei erga coniugium & affinitatem istam, ut quod bonum olim præcepimus à maxima illa & Christianissima Principe Blanca Castiliana, matre Sancti Ludovici Christianissimi atque Religiosissimi Regis nostri, idem bonum, ac potius alterum tantum assequamur per magnam illam & omni virtutum genere instructissimam Principem filiam Catholicæ Maiestatis tuæ, quæ raris suis singularibusq; virtutibus aciem oculorum omnium rapit & sistit in sese, tanquam in obiecto dignissimo, in quo semen Gallie ac Hispanie splendeat: ut in perpetuum quasi fraterno germanitatis fœdere hæc duæ amplæ Monarchiæ iungantur sub Regno illorum, ad propagationem gloriæ Domini nostri Iesu Christi splendorem Ecclesiæ ipsius, & incolarum omnium qui in orbe terrarum degunt, sub eadem Christianitatis signa adunationem: quem admodum Catholica Maiestas tua, quàm plurimis insignibus triumphalibusq; victorijs favore numini Divini & vi armata progressus fecit

amplissimos, quos progressus supplices oramus Deum, qui Dominus exercituum est, continenter eodem genere benedictionum augeat, & potenter ita perficiat, ut brevi effectum reddatur opus ipsius: ac propterea proroget Catholica Maieitati tuæ in optima incolumitate vitam felicissimam, victorijs & triumphis de quouis hoste ipsius cumulatissimam. Lutetia, die 2. Nouemb. 1591. & inferius ad latus paginæ: Reuerendus Pater Matthæus, qui has literas persert, & nobis plurimum adificationis attulit, ut qui res nostras optime edoctus est, ea supplebit quæ desunt literis nostris apud Catholicam Maiestatem tuam, quam oramus humillimè fidem habere ijs rebus, quas ille super hoc negotio relaturus est.

Mors D.
Briffonij.

Dies autem quo hæ literæ perscriptæ sunt, dignissimus est obseruatione, est enim secundus Nouembris, 1591. tertio autem decimo post die ñ ipsi per quos literæ scriptæ erant, & qui ex relatione Patris Matthæi consilia Regis Philippî bellè cognouerant, illi inquam ipsi, qui à Iesuitis ne latum quidem discedebant pedem, & qui non aliq̃ vsquam ad confessionem peccatorum suorū veniebant, immanem illam & horrendam crudelitatem atq̃ inauditam exequuti sunt, qua Hispanico more sine forma aut specie legitimi processus vlla excarnificauerunt eum, quem pridie velut caput iustitiæ suæ reuerabantur: quum sibi Hispani, Iesuitæ, sedecimq̃ prædones illi, ac potius carnifices sedecim, & quicunq̃ ad fines criminis ipsorum erant, omnino sponderent fore, ut spectaculum istud tragicum, funestum, & tætrum quod in oculis totius populi in plenis arenis (hoc publicæ carnificinæ apud Parisios nomen) exhibebant, imperitum populum ampliùs animaret, accenderetq̃ studia ipsius ut se in sanguine bonorum omnium, quibuscunq̃ non posset Hispanica tyrannis sapere, volutarent atq̃ immergerent. Sed Deus ille Optimus Maximus, qui huiusmo-

huiusmodi execrandos conatus perhorrescit, planè aliter statuerat. Efficcit enim, vt horribilis ille dies, quo certissimum putabant fore Parisiis stabilimentum Imperij Hispanici, ille dies ruinæ ipsorum esset: *tunc Troia capta est.* Nam qui omnium maxime veterno sepul-
ti videbantur esse, hic coeperunt expergisci, qui omni-
um maxime percellebantur metu, desperatione coepe-
runt commutare metum: qui denicq; omnium maxime hæserant Iesuitarum concionibus fascinati, coeperunt agnoscere imperij istius Castiliani modum sibi quidem ita fuisse pictum, vt si suauitate, bonitate, & foelicitate confertum esset, sed reuera tamen cumulum esse eorum malorum omnium, quæ in orbe terrarum sæuissi-
ma & summè formidabilia queant existere.

Ex his literis ad Regem Hispaniæ perscriptis & interceptis non procul Lugduno, à Domino Chasero-
nij, atq; ad Regem transmissis (quarum autographum tunc fuit agnitum & adhuc quotidie videri agnoscicq; potest) demonstratum fuit evidentissimè, hunc scopum vnicum extitisse, in quem Iesuitæ, & proditores aliq; cauponantes Galliam toto bellorum istorum tempore collimauerant, hunc inquam fuisse vt Regem Hispaniæ totius Christiani orbis Monarcham efficerent. Hoc vulgo edictum est in ore hypocritarum istorum,
*Unus Deus, Unus Papa, & Rex vnus Christiani-
tatis, Magnus Rex Catholicus & Vniuersalis.* Omnes ipsorum cogitationes, omnia consilia, omnes actiones, omnes conciones, omnes confessiones ipsorum non spectant aliò, quàm vt Europam vniuersam sub iugum mittant Dominationis Hispanicæ. Et quia nullum potentius Chomâ, nullam molem grauiorem vident

maxima
inundatio.

Notabam
flavi p^{ro}duch
onem de d^{omi}n^o
1524

Impostura
contra D.
Principes
ad Regiam
stirpem
pertinen-
tis.

Imperio Gallico, quæ obsistat isti maximæ inundationi, id vnum adlaborant, nec in alia re operam consumunt, quam vt dissipent illud, dilanient, perdantq; omni seditionum, diuisionum, bellorumq; ciuiliū genere: quas res indefinenter excitant suis artificijs, & ante omnia dant operam, vt familiam Regalem extinguant, præsertim quòd videant eam ad certa capita pauculorū Principum redactam esse. Enimuero quisnam scelera- tus ille est, qui effecturus vt omnibus Gallis odio, ex- crationi, & abominationi esset stirps Domini Principis Condensis Ludovici Borbonij, qua ex familia maxima pars constat eorum qui Principes sanguinis vulgò ap- pellantur, rumorem apud nos in vulgus dissipauit, ge- nerosum illum Principem se curauisse coronari & salu- tari Gallix Regem, nisi Iesuitæ qui eò venerunt, impudentiæ importunitatisq; vt in vita Ignatij pagina 162. rem tam manifestò falsam & alienam ab omni pro- babilitate perscripserint, atq; insuper adiecerint cura- uisse D. Principem, vt nummi aurei cuderentur cum hac inscriptione: *Ludovicus XIII. Dei gratia Francorum Rex primus Christianus*, qua inscriptio arrogantissima est, in- quunt illi, & in omnes Christianissimos Francia Reges iniuriosa. Non dicunt, *esset*, Oratores isti, tanquam de re dubia, sed tanquam de certa, vtuntur verbo *est*, impuden- tissimè.

Vos ô Principes generosi, illius Patris filij, qui fieri potest, vt vestras ipsorum manus in istis im- postoribus strangulandis minimè occupetis; qui fronti- bus vestris eam labem volunt aspergere, & notam inurere, qua nulla turpior, nullaq; inhonestior, ex- cogitari in mundo potest?

Sed quis

Sed quid agimus? quid hic sistimus pedem? an Iesuitæ vo-
 ad calumnias contra mortuos effusas veniamus? atqui ^{lunt Regem} ~~lunt~~ Regem
 viuentes ipsos trucidare volunt, nonne Collegium le- ^{perimere.} ~~perimere.~~
 suitarum est Lugduni, & alterum Collegium Parisiis,
 in quo postremum consilium captum fuit & delibera-
 tum de occidendo Rege, Augusto Mense, 1593?
 Nonne confessio Barreræ, qui Meloduni supplicio affe-
 ctus, planè manifesta est? Nonne tremefecit & per-
 terrefecit bonos omnes, qui animo verè sunt Gallico?
 eos, inquam, omnes qui sua consilia & spes omnes suas
 morti Regis nostri non superstruxerunt? Nonne Va-
 radius Gymnasiarchus Iesuitarum, & ab ipsis electus
 tanquam vir optimus de numero ipsorum & optimus
 Iesuita, Varadius, inquam, ille ipse fuit, qui parrici-
 dam hortatus est atq; confirmavit, docens non posse per
 ipsum in mundo fieri opus ullū magis meritoriū, quā
 si Regem nostrum, licet Catholicum interficeret, eumq;
 recta in Paradisum & Regnum cœlorum abiturum?
 atque vt amplius scelestissimo illo consilio fortificaret
 hominem, nonne curauit vt confessio illius etiam audire-
 tur ab altero Iesuita, cuius non potuit cognosci no-
 men, & qui fortè adhuc in vrbe hac versatur, eiusdem-
 modi occasiones clanculū explorando? Quid plura?
 Isti impij & execrandi sicut nonne comunione Sa-
 cramenti Barrerium illum insuper instruxerunt? San-
 ctissimum illud, pretiosissimum, sacratissimumq; Re-
 ligionis Christianæ Mysterium occupantes, vt prima-
 rium Regem Christiani orbis excarnificari curent?
O quam maluissent patrati quā incepti facinoris rei esse.

Hem officinam Sathanæ, vbi omnes cædes quæsitæ
 atq; inuentæ sunt, quas tota Europa inde ab annis
 quadraginta patratas aut tentatas vidit, hem successo-
 res Arfacidarum homicidarumque certissimos: qui
 Raimun

Raimundum Comitem Tripolitanum, qui Marchionem Conradum à Monteferrato, qui Eduardum filium Regis Angliæ, qui summos alios Principes quàm plurimos è medio sustulerunt. Quapropter etiam Rex Arfacidarum, quem adorabant illi (pro vt Iesuitæ suo Generali, qui nunquam nisi Hispanus instituitur, faciunt) curabat ante se circumferri militarem hastam ex omni parte cultris vtrimque acutissimis instructam, proclamante lictore hastato illius, abscedite retrorsum, fugite à conspectu eius, qui manibus suis præfert exitium Regum.

Ante paucos dies sicarius quidam Iesuita in Belgio compertus est atq; comprehensus, qui ante mortem exposuit & pro testimonio dixit alterum ex Hispania submissum esse, ad perimendum Regem. O si quis nostrum certo cognosceret vtrum iste cædium artifex iam versetur in Collegio Iesuitarum, commodam occasionem expectans & obseruans, dum Rex absit à nobis propius. Etenim vt testatum omnibus faciamus euidentissimè, non posse Iesuitas quin ratum habeant probentq; suos fratres, quos sibi in consilijs eiusmodi consociauerint, summumq; honoris culmen apud istos homines in eo esse positum vt cædes istas exequantur: quemadmodum Martyrum appellatione eos donare solent, qui vitam in conatu sceleris istius profuderint: viuunt in hac vrbe amplius tria hominum millia, quibus id quod iam dicturus sum, compertissimum est: Comoletum concionantem nuper ad Sancti Bartholomæi proximè præterito die festo natalis Christi, argumentum concionis sumpsisse ex tertio capite libri ludicum, vbi agitur de illo Aode qui Regem Moabitarum occidit, consuluitq; saluti suæ. Cumq; ad mille ferè commenta de morte defuncti Regis protulisset, illamq; tygrim

tygrin ferissimam, illum Diabolum carne circumdeditum, Iacobum Clementem, mirifice extulisset, & in numerum Angelorum Dei coelis euexisset, cepisse tandem quàm maximâ potuit exclamatione dicere: *Ad nobis opus est: Ad nobis opus est: siue Monachus, siue Miles, siue Calo, siue Opilio, nihil refert, omnino tamen Ad nobis opus est: hic unicus desideratur ictus, ut negotia nostra in eum flaram adducantur, qui votis nostris commodissimus optari posset.*

Videte, Amplissimi viri, Dn. Consultissimi per Deum immortalem, etiam atq; etiam considerate obsecro & animaduertite, quovsq; tandem noster ille stupor, ac potius ignavia nostra (ignoscite quæso dum ita loquor, iustus dolor me transuersum repit) audaciæ, insolentiæ, temeritatis, impudentiæ, proditores istos, & Pseudolos adduxerit, istos exploratores Hispanienses, istos infames sicarios, qui Dei cathedram occupare audeant, in proclamatione istius sceleris, Reges occidi oportere. Hæc germana, hæc pura puta doctrina ipsorum, Allinus, qui Gymnasiarchum agit Rhemis in Collegio Seminarij, ex professo librum de hoc Argumento scripsit. Atq; in hanc sententiam memini Guilielmum Parrium, quum iusta morte afficeretur, aperte exponere, quomodo *Benedictus Palmius* Iesuita docuisset ipsum, licere occidere atq; e medio tollere Reges & Principes, quosunque Pontifex anathemate excommunicationis ferisset, : qua de re postquam ex eo tempore sermonem cum docto quodam Sacerdote, cui Vatesio nomen, contulisset, ipsi Sacerdotem dixisse, propositionem illam falsam esse, & ipsum damnatum iri consilij istius causa: itaque incertum Parrium & pendentem animi confessionis ergo ad Iesuitam Annibalem Codretum abiuisse Lutetiæ commorantem (hic autem

is ipse est, qui in quodam libro Lugduni impresso non dubitauit scribere, ex eo nomen fuisse inditum Societati ipsorum, quod ipsos Deus socios adhibuisset filio suo Iesu Christo, eosq; à Christo pro socijs acceptos & probatos esse) hunc autem Codretum sibi dixisse, fieri non posse quin Vatesius iste sit hæreticus, & confirmauisse nullum opus maioris meriti perfici ab ipso posse, & Angelos ipsos Dei in coelum esse hominem subuecturos.

*Sum. Const
p. 308.*

Vos igitur ô Reges & Principes terræ, nihil deinceps tuti, nihil inuolati in Basilicarum uestrarum penetralibus, nihil Sacri inter medias custodias uestras habituri estis, siquidem ista Diabolica propositio, quam ex imis inferis euomuit Satan, in animos imperiti populi illabatur: quemadmodum Iesuitæ isti continenter maledictis suis confessionibus insurrare in aures cuiusque & inculcare solent. Nam etiam ad istud facinus Regulis suis obligantur, *Tyrannos*, inquit, *aggredientur, lolium ab agro Dominico euellent.* Isti in suis bullis & statutis certum articulum habent hac ipsa de causa positum. Nec enim annum probationis (vt vocant) expectare solent, statim excipiunt eos qui ultro se sistant faciendis votis ipsorum: his factis, vt vt Idiotæ & imperiti sint, quisquis nomen dedit, citra exceptionem obligatus est & obstrictus Generali ipsorum: & tamen penes Generalem est potestas eñciendi miserum, quandoquæ ipsi placuerit, donec sit professus: atq; hæc professio interdum non contingit, nisi post viginti quinque aut triginta annos. Quid autem, obsecro, in causa est, cur res adeo aliena, adeo repugnans ordini, adeoq; iniqua obseruetur? cur non est contractus iste inter utroque reciprocus? Nempe vt postquam hominem fortè ad annos quasi viginti quinque secum habuerint sue

rint, successiones eius, si quæ obueniant, sibi ipsis vendicent: sin autem nihil obuenerit, potestatem habeant ex numero suo eum excludendi, nisi instituat exequi quicquid in mandatis Patres misero dederint. Hoc pacto assequuntur isti, vt imprudens ille qui bonam ætatem suam integram apud ipsos consumpserit, dum hinc se ad incitas redactum videt, illinc promissionibus adductum certissimi Paradisi obtinendi, sine mora vlla aut cunctatione statuatur cum animo suo, oportere vt aut parricida sit ipse, aut hortetur parricidas omnes qui ad se venerint, consentientibus absolutionem pronunciet, etiamque sacramenti communicatione confirmet eos.

Quotiescunque mihi ipse ante oculos pono, in quas graues misérias ac intolerabiles, cum nos omnes sigillatim, tum verò generatim vniuersum Regnum Gallix resq; tota publica fuisset deuentura, si ista cædes fuisset perpetrata, quam dexteritate summa Varadius Gymnasiarcha Iesuitarum Barrerio persuaferat, quamque tanta accuratione animo ipsius indiderat: quoties ad horrendam seruitutem illam respicio, in qua nunc iacêret Gallia, insolentiam & triumphales Hispanorū *παυανισμὸς*, flebilemque statum vrbis nostræ amplissimæ, in qua superbe imperium suum Infans Castiliana esset exercitura: extorquet mihi ex ore veritas, confiteri cogor, me præ ira & indignatione iustissima extra me ipsum abripi, dum video adhuc Sinonas istos, consceleratos istos, istos occisores Regum, istos publicos parricidarum huiusmodi confessarios, adhuc inter nos agere, adhuc vitam viuere, adhuc communi Gallix coelo frui. Viuere autem & imò verò in Palatjs agunt, excipiuntur humanis quibusque officijs, alieno subsidio subnituntur, nouas plane conspirationes, factiones, fœdera, & confociationes ineunt.

Quid ergo? si fortè Deus post dies aliquot permiserit comprehendì, siue Iesuitam vllum, siue alterum à Iesuitis edoctum, vt iste Meloduni fuit: putatisne, heus, vos omnes appello, qui vestris narrationibus subleuatis ipsos, aut qui prudentes viros, consideratos, sapientes, denique (vt vno verbo dicam) Hispanos agitis: putatisne, inquam, vobis in medio nostri securitatem fore? minimè gentium. Ad res omnes alias non potest nimium modestiæ, nimiumq; *εὐπορίας*, id est, moræ ac sustentationis, (vt ita dicam) adhiberi. Sed vbi vita, vbi salus, vbi conseruatio agitur Sacratissimi illius capitis, & Regno Galliæ tam necessarij, sine quo iam de Republica actum esset, iam iam perpetuis tenebris obruta & sepulta esset, iamq; vna de Prouincijs Hispani in numero ipsarum haberetur: hic profecto, hic inquam non potest nimium adhiberi ardoris & vehementiæ. Qui hic friget, qui hic modestus est, idem est proditor: hæ caulæ ita comparatæ sunt, vt virtus ad eas in excessu consistat, non solum studiū, verumetiam passionis perturbationisq;. *Quantalibet vis omnium gentium conspiret in nos, impleat armis viriq; totum orbem, classibus maria consternat, inusitatas belluas inducat, tu nos prestabis inuictos, Rex inuictissime. Sed quis hoc Galliæ columen ac sidus diurnum fore polliceri potest, si homines illi, qui assidue in vitam ipsius moliantur, qui sicarios submissos Lugduno, quum adhuc ciuitas rebellis esset, & Hispanicis partibus addicta, excipiunt, si denique ij, qui religiosos desperatione torquentes populum indefinenter exacerbant contra Maiestatem Regiam, ij inquam defenduntur & seruantur incolumes in Regno illius?*

Corruptio
iuuentutis.

Atquin hi iuuentutem docent: quid autem? certè expetere & optare docent exitium suorum Regum. Plurimum abest, vt criminum poenam, quorum Iesuitæ affines

affines sunt, mitigari oporteat ex institutionis illius, quam iuuentus percipit, contemplatione. Ex contrario enim, hoc illud est, cuius causa grauiorem poenam & infinitis modis acerbiorum infligi necesse est. Hæc enim bella scilicet iuuentutis est institutio, hæc indignissima funestissimaq; axiomata, quæ in teneram mentem ætatis illius ingeruntur, dum præ se ferunt institutionem literarum humaniorum: *Vt venena non dantur, nisi melle circumlita, & vitia non decipiunt, nisi sub specie vmbraq; virtutum.* Hæc audaces ille confessiones sunt, quum procul ab omni testium conscientia imbuunt scholares suos cortina rebellionis contra Principes & Magistratus ipsorum, qua fecerunt vt occupata teneantur loca plurima & officia plurima honoresq; summi fuerint crediti animis Hispanicis Regi & Regno toti inimicantibus. Hæc opera istorum perfecta sunt.

puerorum infantia prima

Errorum cum lacte bibit

Non desunt quidem de numero eorum, qui scholæ Iesuitarum dederunt operam viri boni & iudicio valentes, qui persuasiones ipsorum expuerunt: atq; hi milles ampliore Iesuitas odio prosequuntur, quam hî faciunt quibus isti nondum sunt cogniti. Sed quotus quisque est ex eo ordine? certe vix de centenis quos virus illorum infecit, vnum comperias restitisse, quin eorum veneno infectus hæreat.

Apud Dionem lib. 52. legimus, à Mœcenate fuisse Augusto Cæsari expositum, nullam commodiorem viam existere ad stabiliendam in imperio tranquillitatem ipsius posterorumq;, quam vt curaret iuuentutem Romanæ nobilitatis literas doceri eorum opera, quibus in amore esset Monarchia: nam breui tempore quodammodo nouatum iri mundum & iuuentutem illam

momento ad gratia amplaque munera euectam fore. Eadem ratione periculosius nihil potest contingere, quàm vt liberos nostros per emissarios istos Hispaniæ curemus informari: quibus nihil tam est odio quàm Gallica nostra Monarchia.

Id profectò omnium est facillimum, vt in istis infirmis ingenijs eiusmodi studium ac cupis ingeneres: difficillimum verò, vt auellas ipsum. *Altius enim præcepta descendunt, quæ teneris animis imprimuntur.* Certè non Eurotas ille fluuius Laconicæ strenuos & bellicosos viros efficiebat, sed optima illa Lycurgi institutio: sic etiam hoc nostro tempore, non Sequana, non Garumna malos Gallos tam multos efficit, sed Collegia Iesuitarum, Parisijs, Tholosæ, & Burdegalæ instituta, hoc malum ingenerant. Ex quo scholarum istarum Alumni in administrationem munerum ingressi sunt, *maiorum mores, non paulatim, vt antea, sed torrentis modo præcipitati sunt.*

Habet quidem Christiana Religio nostra omnes summæ iustitiæ & vtilitatis notas: sed ante omnes hæc est euidentissima, quòd accuratam habet commendationem obsequij erga Magistratus, & ordinem Politicum omnibus in rebus asserit. At homines isti qui sese prædicant ad societatem Iesu pertinere, ad finem alterum non contendunt, quàm vt legitimas potestates subruant, ad stabiliendam vbique locorum tyrannidem Hispanicam, & in hoc studio informant animos iuuentutis: quam homines simplices ac nimium creduli se putant illis concedere, vt instituat in literarum scientia, religionis veritate, ac pietatis sensu.

*Pro superis, quantum mortalia pectora Ceca
Noctis habent: ipso scelere molimine Tereus
Creditor esse pius, laudemq; à crimine sumit.*

Cartha

Carthaginenses olim suos ipsorum liberos Satur-
 no leguntur sacrificauisse, & coactos religione paren-
 tes fuisse, vt inhumano isti sacrificio cum læti ani-
 mi significatione interessent. Ecce rem admirabilem
 memoria nostra, vidimus ipsi, vidimus illud tempus,
 quum is qui non curabat liberos suos studijs operam
 dare Iesuitis præceptoribus, non habebatur pro bono
 Catholico, qui verò in Collegio illorum versati erant,
 hys liber ad omnia dabatur aditus, nihil amplius quæ-
 rendum aut cognoscendum de vita ipsorum videbatur.
 Itaque parentes miseri cedentes iniuriæ temporum,
 cogebantur liberos suos amittere, qui aut fascino Iesui-
 tarum, aut etiam non infrequente raptu ipsis adime-
 bantur planè; si forte Iesuitarum consilio ita videretur.
 Extant huius rei luctuosa exempla plus satis, & vni-
 cuique exploratissima: extant publicæ quærimoniæ
 in posteritatem transmissæ contra crudeles istos & in-
 humanos plagiarios, qui liberos à conspectu & com-
 plexu parentum auellerunt. Quin etiam sæpenum-
 erò totum columnen & fulmentum familiæ vnus fortim
 abstulerunt: quemadmodum Domino Airalto Lega-
 to criminalium causarum apud Andes factum est: qui
 quum octonis liberis paruulis in hac senectute sua o-
 bustus sit, vidit sibi Iesuitarum opera filium natu ma-
 ximum eripi, qui iam paternum munus potuisset capes-
 sere, & officium Patris erga fratres sororesq; suas, quæ
 omnes ferme ætate puerili sunt, facere: hunc illi annum
 decimumquartum iam agentem sustulerunt patri, & in
 Italia Hispaniaq; sic apud se detinent, vt nunquam de-
 eo quicquam vel minimū potuerit cognoscere, quamuis
 monitionibus & censuris Ecclesiasticis aduersus plagi-
 aros istos expertus sit. Has enim isti ludificantur libe-
 re, satis habentes vnica absoluteione, quam Generalis
 ipsorum, Hispanus homo, submisit.

Interea

Eripiunt
bona fami-
lijs.

Interea verò vbi Airalus ille vitam cū morte commutauerit, postulabunt Iesuitæ ius primogeniti in bona ipsius, nam votum paupertatis nunquā voueri antè curant, quā omnis spes successione exempta sit: Deinde verò antequā professi reddantur, omnia sua bona iubentur Collegio transdare: itaque nihil reddit foras, omnia feruntur intrò, & ab intestato, & ex Testamentis, quæ isti singulis diebus captant diligentissimè, animis propinquis morti hinc inferorum horrorem ante oculos exponentes, illinc commonstrantes Paradisum apertum hīs, qui societati Iesu liberaliter atq; profusè daturi sunt: quemadmodum Maldonatus fecit Præsidi Montbrunensi, qui à Sancto Andrea dictus est, quum extorsit ei bona mobilia omnia, & res omnes antè partas, dolo confessionis vnus plenæ auaritia & fraude: à qua Dominus Pibracius, tanquam iniquè probata, prouocauit in Senatu palam. Neq; ignotum est testamentum illud, quod per Gondranum Diuionensem Præsidem fieri curauerunt, quum sororem suam germanam, suam hæredem vnicam aspersit dimidio coronato aureo, & septenas millenas libras prouentus annui in Iesuitarum corpus transportauit. Nec illud obscurum, quomodo familiam Bollonum, quæ vna ex potentissimis fuit Burdegalæ, diripuerunt commodo suo, & (quod exemplum est recentissimum) qua ratione obtinuerunt ius primogeniti in familia Præsidis Burdegalensis à Largobaculo dicti, eoq; nomine agrum Faiollarum sibi vendicarunt. quem agrum vñum dederunt coronatis duodecies mille, pecuniamq; illius in Hispaniam transmiserunt in thesauro ipsorum asseruandam. In Gallia enim nihil omnino seruari curant, præterquā ea immobilia, quæ conditione non alienandi ipsis legata sunt.

Præterea

Præterea nemo nescit, quæ fratri de vnicum fratrem Domini Marchionis Canillacensis rapuerint: qui iam octies millenas libras habet redditus annui, & secundus hæres amplius quadragies quinquies millenarum est, hunc verò cauebunt artifices isti diligentissimè ne adigant paupertatis votum, tantisper dum spes aliqua successione à fratre maiore futura est: qui non coniugatus est, sed vitam suam quotidie exponit belli periculis ad seruitium Regis, à quo honores vicarij Regij in Aruernia adeptus est. Neque dubium est, si quid illi humanitus accideret, pro vt iudicia se habent, quæ secundum ipsos hætenus facta sunt, quin Marchiones Canillacenses futuri Iesuitæ essent, familiamquæ illam, quæ ex amplissimis, locupletissimis, & illustrissimis totius Aquitanix vnâ est, funditus euersuri.

Gentem nostram fermè plerique omnes accusauerunt imprudentiæ nomine: Iustitiæ, liberalitatis, fortitudinis, animiq; habemus quidem satis, atq; adeò plus satis: sed prudentiæ nequaquam. Et quàm supinum est, quàm imprudens iudicium, amabo vos, quòd homines istos probemus, quum præ se ferunt contemptum aliquem binorum fortè solidorum ad scholæ aditum, & aliquantuli minervalis: & tamen videmus eos triginta annorum spatio ducentes millenas libras in prouentum annuum fecisse quæstus?

*Eia age, nobiscum sic quaeso paciscere, triplex
Accipias pretium, legataq; cuncta relinquant,
Abstineasq; manus alieno, & munera temnas.
Sed pietas iam nota tua est, animusq; benignus:
Magna petis, qui parua fugis.*

In nostra hac Academia nunquam fuit à pauperibus quicquam postulatum, sed si quis puer maioribus honestis natus ad coronatos quatuor aut quinque dona-

uerit ei qui toto anno ipsum instruxerit, potestne vir bonus hoc in malam partem accipere? nonne ex æquo bono est, vt qui ætatem suam in literarum studijs consumserunt, aliquid habeant *unde toga niteat*? hoc si quis denegauerit, non modò non dat operam paupertati allevandæ, sed etiam contra in abyssum deturbare pauperem videbitur: Olim egenti iuueni, quisquis tandem esset, ratio erat exposita qua inter diuites commodè elaberetur tempusq; ætatis suæ transigeret ad annum vsque vigesimum, aut etiam alterum atq; vigesimum: tum incipiebat quasi emergere, & compendij aliquid facere. Hæc ratio iuuenes mille quotannis ad studia adducebat, alebatq; Sed postquam Iesuitæ studiosos ad se pellexerunt, iam animos omnino abiecerunt multi: vt *sublati studiorum præmijs, studia pereunt*. Maximi quique & præstantissimi inde à summa antiquitate viri æquum esse duxerunt, vt hjs qui iuventutem instruunt scientijs, tribueretur sua compensatio: & accedit ad hanc rationem communem ipsa necessitas. *Super omnibus negotijs, melius atq; rectius olim prouisum: & quæ conuertuntur, in deterius mutantur.*

Et tamen hi boni viri venenarios astutos imitantes, qui nunquam crassum veneni sui boletum inñciunt, sed cibo aliquo delicato & fastidioso solèt subtili arte adiungere atq; confundere, nullam viam commodiorem inuenerunt qua studiosos ad se perducerent, quam abolitis illis minervalibus quæ olim obtinuerunt. Effrenis enim iuentus longè magis optat sumptus facere *in locis adiles metuentibus*, & pecuniam à parentibus transmissam ad se licenter profundere, quam numerare eam præceptoris qui toto anni curriculo de commodis ipsius studijsq; laborauerit officiosissime.

Atq;

Atq; hæc quidem omnia non faceremus tanti, nisi
 fascinorum & sortium quas Iesuitæ, in iuventutem ad-
 hibent, rationem videremus habendam esse. Sed quem-
 admodum curabant olim Romani studiosissimè, vt No-
 bilitatem Gallicam Augustoduni instituèrent, eamque
 alerent & educarent tum in beneuolentia iusta erga
 imperium ipsorum, tum in obliuione pristinae Gallo-
 rum libertatis: non secus ille Tyrannus Hispaniæ Ie- *Iuuentutem*
 suitas habet, tanquam statuis suis, in Gallia dispositos, *amore im-*
 qui amorem nominis sui & dominationis suæ in teneris *buunt non*
 mentibus liberorum nostrorum ingenerent. *Semina in* *minis His-*
 corporibus humanis diuina dispersa sunt: quæ si bonus cultor ex- *Spanici.*
 cipit, similia oridinis prodeunt: sin malus, non aliter quàm humus
 sterilis ac palustris necat, & deinde creat purgamenta pro frugis
 bus. Etiam quemcunq; laborem & molestiam postea
 subiueris ad conuellendas opiniones eiusmodi, frustra
 est: stomachus enim morbo viciatus quoscunque accipit cibos,
 mutat. Itaque tandem ad metum humanarum legum at-
 que ad vim confugiendum est, & magno timore magna odia
 compescenda. Sed fidelius & gratius semper est obsequium, quod
 ab amore, quàm quod à metu proficiscitur. Quicunque ab
 Aspide fuerunt icti, quam vocant Dipsadem, ñ perpe-
 tua quadam siti infestantur præ veneni illius acrimo-
 nia, quod in omnes corporis venas serpens totum san-
 guinem exsiccat, & ita exhaurit vt nihil nisi bibat æ-
 ger nec tamen expleri ad satietatem possit. Sic qui ve-
 nenata ista & pestilente Iesuitarum institutione semel
 imbuti sunt, vruntur assidua siti ac desiderio pertur-
 bandi negotia publica Patriæ suæ & dominationem
 Hispanicam promouendi.

Nota est in vulgò historia Lusitanix, iam diu
 Rex Philippus oculum ad vicinum illud Regnum Lusi-
 tanix adiecerat: sed fieri non poterat nisi morte Regis

& pleræque nobilitatis Lusitanicæ, vt illud Regnum in leges suas cogeret. Hic Iesuitas occupat, qui erant ad latera Sebastiani Regis, seq̃ in Regione illa Apostolos vocari iubent.

Vnio Lusitania ad tyrannidem Hispanic: operalesui tarum procurata. Vnioni Portugal. fol. 9. 10.

Isti mille artibus & technis veteres quosque famulos & administratos ipsius, etiam Petrum Alcañonensem ipsum Secretarium Regni expungi curant: & autores ei sunt trahendi in Africam, vt inimicos longè valentiores & potentiores ipso inuaderet. Aggressus est: sed cum iactura vitæ, tum suæ ipsius, tum totius ferme Nobilitatis Lusitanicæ. Postea Regnum Cardinalis obtinuit, sed minimè diuturnum: quo tempore Iesuitæ dolos suos tam aptauerunt commodè, vt statim post Cardinalis obitum Rex Antonius, quem omnes Ordines Regem salutauerant, ex continente eniceretur, quum die vnico omnes portus & naualia Maris ad defectionem à Rege suo adduxissent, adeò vt miser Rex mutata veste milliaria amplius quadringenta coactus fuerit pedibus conficere. Stabant adhuc à partibus Regis Antonij Insulæ Terceræ quarum permagna erat commoditas, & quæ totam nauigationem Indiarum diuellerant. Eò pertruxerunt Galli, Domino Commendatore Chattenli Duce: omnes Insularum Incolæ, itemq̃ religiosi Franciscani, & alij sese studiosissimos erga suum Regem esse ostendebant, & iuratisimos Castilianorum hostes. Contra verò Iesuitæ, qui reliquas partes illius Regni perfidis sollicitationibus ad defectionem perduxerant, coeperunt fulmina venalis suæ vocis in Gallos iaculari & extollere Philippum Regem. Quid hic nostri? pro eo quod in Mare proijci ipsos oportuerat, aut certe ex Insulis confestim eneci, id fore satis visum est, si obducto muro includerentur in Claustro ipsorum. Atq̃ hæc ipsa res copiosè narratur in Historia Genus excusa ad Mandatum Regis Hispaniæ,

Vnio Por. fol. 197. b.

niæ, quæ tota in gratiam ipsius contexta est: Ac propterea quicquid de Iesuitis in ea habetur scriptum, ipsis honori & laudi vertitur, ut qui præcipua fuerint instrumenta conciliandæ vnionis istius, qua Lusitania sese adiunxit Castiliæ, quemadmodum etiam præsens ipsorum labor & opera non fertur aliò, quàm ut vnionem consimilem adhæssionemq; procurent Galliæ ad Regnum Hispaniæ atq; perficiant.

Quid tum boni Iesuitæ: ubi tempestiuum esse animaduertunt, muros portis suis obstructos vna & eadem nocte deiecerunt, atq; in eis proposuerunt Sanctum Sacramentum Altaris, illudentes Deo, & Sacris Mysterijs eius ad seditiones mouendas abutentes, coeperuntq; tam belle & commodè sollicitare animos populi ut refringerit à consociatione Gallorum, quorum copiæ imperio Mareschalli Strossæ agebantur, & qui hac ratione fusus est. Hic verò arrigite aures obsecro, quicunque me dicentem auditis. Narrat historia proceres viginti octo, & Nobiles Gallos quinquaginta duos vno die in vno eodemq; pegmate Villæ Francæ decreto Hispani fuisse excarnificatos, & suspensos milites innumeros. Refert eadem historia, eiusdem belli temporibus Franciscanos quingentos, aut alios religiosos, qui concionati fuerant aut aliquid dixerant de causa Regis Antonij, morti fuisse traditos. Hæc Iesuitarum præcepta: occidite, trucidate, suspendite, excarnificate, ac proinde videmus eos, qui confessionem peccatorum suorum in Regno Gallæ apud Iesuitas ædunt, & vberibus aluntur ipsorum ita feros & cruentos esse, ut alijs alijs violentas inñciant manus.

Narrat Ammianus Marcellinus lib. 27. historiæ suæ ad Pontum Euxinum populum extitisse Odryas dictos, qui ita humanum sanguinem fundere erant assueti, ut si

*hostium copia non daretur, ipsi inter epulas suis corporibus ferrum
imprimerent. Hi verò aliorum sanguine alij cruentant
manus, cum tamen copias hostium adhuc procedere vi-
deant innumerabiles & in agro promiscuè grassari.
Ite igitur, ô viri Nobiles, sequimini (si Deo placet)
istos Iesuitarum discipulos, vt ad primam quamque
vertiginem persoluant vobis prætium officiorum ve-
strorum pugniunculorum suorum ictibus: & si fortè
per ipsos res vestræ optimè cesserint, saltem vt efficia-
tis aliquem angulum Gallix Maurorum prouinciam, & ex
Baetica iura petatis, quanto pulchrius erit vestra fide communi,
vestris communibus viribus imperium retentum atq; omninò recu-
peratum esse?*

Maçte igitur animo, ô præstantissimi atq; Indo-
miti Nobiles Gallix, pergite vos restituere omnes atq;
adunare in corpus vnum exercitus. Deus protector
Regnorum, Deus qui semper suum illum oculum mise-
ricordix aduertit ad Regnum Gallix in maximis illis
calamitatibus, hic proculdubio amorem & concordiam
in medio vestri implantaturus est: hic vobis frontem
horrore circummuniet, vigore brachium: hic vobis
immittet Angelos suos per quos confirmemini, vt ex-
terminetis breui ex Gallijs omnes istos putidos Castili-
anos & crepantes superbia.

Dicebat Alexander Magnus Antipatrum albis ves-
tibus indui, sed intus rubere totum. In hunc modum
extant nunc quàmplurimi, qui in speciem administri
sunt Regis & in rem suam ipsorum optimè res secun-
das Regis vertere didicerunt, sed intus toti rubent,
toti Hispani sunt. Veruntamen homines isti, qui Ie-
suitarum opera indigent vt nefaria consilia sua exe-
quantur, non continuò audent aperteq; dicere Iesuitas
in Gallia sinendos esse (nam qui hoc dixerit, perinde
est planè

est planè ac si crucem rubram prætulit) sed hoc dicunt, intempestiuum nunc esse vt expellantur Regno. & argumenta considerationum adferunt, ad quæ singula respondebo. Antequam verò id faciam, necesse est firmissimum ipsorum propugnaculum destrui, quod versatur in constitutione iudicij à Consilio facta anno 1564. Aduersus hoc firmamentum illorum vtar quinque responsionibus, quarum minima plus satis ad labefactandum firmamentum istorum futura est.

Primus locus responsionis est, actionem illam siue instantiam anni 64. extinctam esse, non trium solummodò, sed triginta annorum spatio. Quod autem adfertur non perimi actiones, siue peremptionem instantiæ non obtinere in Parlamento locum, id tum demum verum est, cum propè est vt lis iudicetur. In hoc autem casu tantum abest vt lis Iesuitarum eò deducta sit, vt contrà ne acta quidem litis ad cognitores comportata sint: quæ actio prima est omnium, per quam aditus parari solet ad constitutionem iudicij in consilio legitimo.

Quinq; responsiones
ad iudicij
constitutionem à
consilio factam anno
64.

Secundus locus responsionis est, actionem anni 64. ab actione huius anni differre quàm maximè. Nam primum qualitates, seu conditiones diuersæ sunt: tum enim Iesuitæ actores erant, nunc autem defensores & rei. Secundo tum agitabatur quæstio vtrum priuilegijs Academiæ fructuri essent, nunc verò agitur cognitio vtrum ex Gallia exituri. Postremò cum per illud tempus de iudicij constitutione in causa ipsorum agebatur, iudices id sibi voluerunt, vt postulatum ipsorum denegarent: nunc verò quid esset à consilio iudicium constitui in hac causa ad vitam Regis pertinente: quàm interea temporis sicarios istos in medio nostri alere, qui nihil tam sitienter & furenter expetunt quàm mortem illius.

Textio

Tertiô inter annum 64. & hunc nostrum annum 94. summa est diuersitas. Nam illo anno formidabatur malum quod accidit, & multi ne præsumere quidem voluerunt, decepti lenibus ac mellitis istorum hypocritarum verbis:

Quis te tam lene fluentem

Moturum totas violenti gurgitis iras.

Nile putet?

Ecquis temporibus illis vel præcipere animo potuisset se Lutetiæ in vrbe visurum accensos Hispanienses, qui has speciosas & amplas vrbis plateas calcarent pedibus, subnixis alis sese inferentes, oculo truci, rugosa fronte, segni ac graui passu.

Ecquis ad Ausonia venturos limina Troas.

Crederet? aut quem tum vates Cassandra moueret?

Anno illo 64. nondum fuerant auditæ Patris Bernhardi & Comoleti voces Regem Holophernem, Regem Moabitarum, Neronem appellantium, & confirmantium Regnum Galliæ electuum esse, atq; auctoritatem stabiliendi Reges ad populum pertinere: deniq; hunc locum veteris Testamenti in hanc sententiam adducentium, *eliges fratrem tuum in Regem: fratrem tuum*, inquebant illi, non ex eadem stirpe aut ex eadem gente siue natione, sed eadem religione iunctum, vt Magnus ille Rex Catholicus est. Magnus ille Hispaniarum Rex. Quin ed impudentiæ Comoletus venit, vt teterrima blasphemia ausus sit dicere, his verbis, *eripe me Domine de luto, & non infigar*, Dauidem Spiritu Prophetiæ intellexisse hoc dictum & sensisse, de familia Borbonia. Dum hi motus extiterunt, animus fuit illis instituendi Pistorij Iesuitarum Collegium, adfirmantibus procerem quendam virum diuitem & religiosum maxime constituisse octingentos coronatos redditus annui ad fun-

Nam lutū
Gallis dici
tur bourbe
vel bour-
bier.

tionem

tionem

ditionem collegi istius numerare, postquam vero diu multumque cum ipsis actum est, ut cognosceretur quisnam ille donator esset, nec alterum quemquam possent subnecere, tandem inviti coacti sunt agnoscere atque confiteri hunc Regem Hispaniarum esse: qui nunquam certe dubitaturus est, nunquam recusaturus rem adeo pusillam expendere, ut eos homines apud nos alat, qui nobis tam exitiosissimi sunt, & tantum periculorum adferunt. Hæc ita se habere testati sunt uno ore Pictavienses deputati omnes, qui operam suam consumpserunt ut Pistaviium restitueretur maiestatis Regiæ obsequio.

Anno 64. Iesuitis nondum erat liber ille vitæ, in quem postea retulerunt quicquid confessionibus suis ab eo tempore didicerunt de arcanis rebus familiarum, percunctando famulos & servos non tam de fide conscientiaque eorum, quam de sermonibus qui à parentibus Dominisque ipsorum habebantur, ut qua conditione singuli nostri sunt cognoscerent. Comoletus concionem in arce Lutetiæ habens (Bastiliam vocant) apud Amplissimos Dominos qui in vinculis illic tenebantur, ineunte Anno 1589. dicebat Ihs, postquam innumeras blasphemias impudentissimo ore eructasset, eum qui antea Rex ipsorum fuerat iam non amplius esse: meditabatur nempe iam eo tempore cædem, quam postea patrari curaverunt. Quum Troueus & Capitaneus Aubrius in eundem carcerem Lutetianæ arcis per Bussium Clericum coniecti sunt, non fuit consilio Quadraginta virorum tantum auctoritatis ut eos inde eximerent: sed unus Comoletus, solus inquam ille, tanquam alter Orpheus sua auctoritate eduxit ipsos: usque adeo sedecim prædones à nutu Iesuitarum pependerunt. Postquam de electione pontificis, qui sedem obtinet hodierno die, fuisset cognitum? Comoletus, qui ex Cathedra descenderat, denuò conscendit

scendit eam, & repente exclamare coepit quam maxima voce: Audi Politice, audi, res novas intelliges: habemus Pontificem, & quem? bonum Catholicum? quem amplius? bonum Hispanum. Abi Politice, & suspende te. Non fuerunt sermones illi, quibus Iesuitæ anno 64 utebantur. Scribit quidam vetus auctor: Serpentes parua fallunt: ubi aliquam solitam mensuram transiit, & in montem excreuit, ubi fontes potu infecit, & si afflauit deurit quas unque incescit, balistis petitur: possunt enadere mala nascentia, ingentibus obuiamitur.

Elegans est dictum illud Liuij: ante morbos necesse est cognitos esse quam remedia eorum; sic cupiditates prius natae sunt quam leges, quæ eis modum facerent. Plato ferme in principio libri de legibus primi, Minoem scribit nono quoque anno profectum esse, ut ex Ioue cognosceret, quas leges Cretensibus laturus esset: propterea quod tempore sic mutantur, & variant omnia, ut quæ res hac tempestate videtur optima, eadem comperiatur damnosissima perniciosissimaque in alio tempore. *Vsu probatum est, leges egreas, exempla honesta ex delictis gigni: nam culpa quam poena tempore prior, emendare quam peccare posterius est.*

Adeatur Dominus Illustris Marchio Pisanienfis: is vobis testaturus est inde ab anno 64. ex quo tempore Legatione fungitur & res Galliae in Hispania & Italia agit, nunquam sibi magnum vllum fuisse negotium, quin Iesuitam secum in eo tractando committi viderit. Rogate eos, qui omnes literas de rebus maximis hoc calamitoso bellorum tempore interceptas perlegerunt, & notas illarum explicarunt: non vos confirmabunt nihil à se perniciosi aut improbi fuisse lectum, quin adhibita fuerit opera Iesuitæ. Et (quod factum est recentissimum) Lugduni, postquam rediit Oppidum in potestatem Regis, Iesuita quidam quum Missam cantare incepisset, ut vidit

57.
vidit nobilem quendam synthesi alba instructum, pro-
ripuit se repente extra Ecclesiam populo frequentissi-
mam, futurum sperans vt seditionem hac via excitaret
quam rem post etiam tentauerunt ab eo tempore, & vr-
bem illam (cuius dignitatem grauitatemq; nemo igno-
rat) tandem perdituri sunt, nisi quamprimum de aucto-
ritate sententiaq; vestra expellantur.

Quartus responsionum locus hic est: quisquis con-
tra modificationes, & conditiones venit, ex quibus res
vlla sancita & confirmata est, eum commodo priuari est
æquissimum quod inde percepturus esset. Atqui inde ab
anno 64. Iesuitæ fecerunt omninò contra quam conditio-
nibus Palsiaceni iñius Consilij prouisum erat: etsi hæc
vnica est approbatio, quam a se in Gallia habitam possunt
obtendere. Primum enim contra illius conditiones vene-
runt, quia retinuerint Iesuitarum nomen: quod disertis
verbis fuerat vetitum. Nam gloriosum illud nomen *Venerunt*
IESV singulariter vnico seruatori mundi fuit reserua- *directè con-*
tum: nec inter Christianos post omnem hominum me- *tra Palsia-*
moriæ quisquam tam præfidens & ambitiosus inuentus *cenium con-*
est, qui illud sibi priuatim aut publicè, seorsim aut in *cilium: eo-*
communi tribuerit. Quin eò prolapsi sunt impuden- *que irritu*
tiæ, vt illud nomen suis thesibus vsurpauerint, quibus *est expressa*
mellea delenifica, & suada oratione aliud clausum in pectore habentes, aliud promptum in lingua, ante menses tres conati *clausula et*
sunt assentari ijs, quos detrusos cuperent in profundissi- *Iesuitæ in*
mum Barathrum Inquisitionis Hispanicæ. Accedit al- *Galliâ non*
terum, in quo à Palsiaceno Concilio discesserunt, cuius *admitten-*
auctoritate Collegium quidè recipiebatur, sed religiosa *di.*
professione reiecta ipsorum. Tantū enim ausi sunt facinus
vt religionem suā in medio vico S. Antonij velut Tropæ-
um statuerint: vbi hoc etiam tempore grauissimum fuit
G. 2. illius.

illius impudentiæ documentum adhibent, istud quod
 in suis Casulis plena insignia Franciæ gestant cum Galero
 Cardinalitio super imposito, ut affirmant palam se invito
 Rege, cui nullo iuramento fidei obstricti sunt, quem-
 quæ voluerunt & singulis diebus volunt per sicarios e
 medio tollere, quod Carolus Decimus nescio quis Rex
 Francorum extiterit agnoscere, quo regnante spem
 habuerint se hoc quoque Regno idem effecturos ac
 fecerunt Regno Lusitanæ, dum Cardinalis alter rerum
 potiretur. Tertiò possiacenum illud Concilium ipsorum
 disertè cauerat, ne quas bullas obtinere possent restri-
 ctionibus aduersantes, quæ in iudicio illo contineban-
 tur: quod si ullas obtinerent, præsentem concessionem
 fore irritam, nullumque effectum & vigorem habitu-
 ram; quæ res eadem conditione verè confecta est. Isti
 verò bullas adeò contrarias Possiaceno illi consilio asse-
 quuti sunt, ut earum bullarum auctoritate quicumque
 limitationes, exceptiones, & restrictiones ad priuilegia
 institutaque ipsorum adhibuerint, excommunicati pro-
 nuncientur maiore excommunicatione; neque solum illi,
 verumetiam quicumque disputare de his præsumperint,
 licet id duntaxat facerent ad investigandam veritatem.
 hæc enim ipsissima verba sunt bullæ ipsorum Anno 1584.
 perscriptæ: *suisque præpositis in omnibus & per omnia obedire;*
& huic sedi immediate subiectos, & à quorumvis ordinariorum, &
delegatorum, seu aliorum Iudicum jurisdictione omninò exemptos;
pro ut Nos etiam vigore præsentium eximimus. Hoc verò ex
 diametro pugnat cum illa consilij Possiaceni clausula:
ea lege ut in societatem Collegiaq; prædicta Episcopus diocesanus
omnem habeat superintendentiam, iurisdictionem, &
correctionem, ex quo sequitur necessario, Possiacenum
illud consilium ipsorum manere irritum cum ex disposi-
tionem iuris quam modò diximus, tum verò ex clausula
perimente

perimente alia quævis acta, quæ contentu illo Possiace-
no expressa est, hoc modo: renunciabunt ante omnia & ex-
presse priuilegijs omnibus in bullis eorum comprehensis, quæ rebus
antecedentibus aduersantur. Alioquin, hoc nisi præstiterint, aut
si quæ alia deinceps in futurum obtinuerint, hæc literæ manebunt ir-
rita, nullum effectum valoremque vllum habitura. Sed en vo-
bis clausulam bullæ ipsorum anno 84. perscriptæ longè
diuersissimam: qua clausula cum nos qui aduersus ipsos tatem au-
dicimus, tum vos, amplissimi viri, qui de ipsis cognosci-
tis, tum illi ipsi Possianceni Iudices, qui ita decreuerant, tra Iesuita
omnes ad vnum excommunicati sumus. Præcipimus igitur rum frau-
in virtute sanctæ obedientiæ, ac sub pœnis excommunicationis lata des, excom-
sententia, nec non inhabilitatis ad quævis officia & beneficia secula- municatos
ria, & quorumvis ordinum regularia eo ipso absque alia declaratione esse.
incurrendu, quarum absolutionem nobis & successoribus nostris re-
seruamus: ne quis cuiuscunque status, gradus, & præminentie
existat dictæ societatis institutiones, constitutiones, vel etiam præ-
sentes, aut quamvis earum, vel supradictorum omnium articulorum,
vel aliud quid supradicta concernens, quouis disputandi, vel etiam
veritatis indagandæ quæsito colore directè vel indirectè impugnare,
vel ijs contradicere audeat.

Quintus & postremus responsionis locus, ne quid in
hac causa tam graui dissimulemus, cuius promptum &
celerem exitum tam ardentibus votis omnes boni deside-
rant, hic est. Quis nescit anno 64. neminem hominem
in hoc loco ea fuisse audacia præditum, vt liberè quic-
quam posset effari aduersus coniurationem Hispanicam &
trepidari omnes boni & elingues: quum dicere quod nolles, mi-
serum; quod velles periculosum, rotæ, cruces, patibula, non
fuisent condigna satis supplicia ihs qui tantum audaciæ
sibi arrogassent. Iam verò, ô exploratores Hispanici,
quid vobis in mentem venit, quod hodierno die adduca-
tis ad defensionem vestri? An quod vos hæctenus dissi-

mulavit Gallia? atqui hoc ipsum est contra, cuius causa vos de Gallia velocius depelli necesse est: nimirum vis, violentiaq; & Tyrannis vestra, vestrorum adiutorum, Hispanorum vestrorum, qui nobis constrinxerant manus, qui nobis ora præcluserant, qui vobis animi tantum addiderant, qui vocem vestram tantopere confirmaverunt, qui denique vos adeo extulerant, ceruices impotentes vestras, vos, inquam, homines sceleratissimos, cruentum manibus immani auaritia nocentissimos atq; superbissimos, quibus fides, decus, pietas, postremo honesta atque inhonesta omnia quaestui sunt.

Responsio
ad illud
non solos
Iesuitas
improbos
esse.

At hi soli, dixerit quispiam, non sunt apud nos improbi: Noui: ac propterea eò peiores affirmo esse. Nam si hi perniciosi fuissent soli, fuisset leuius futurum malum nostrum: magnus Gallorum numerus, quos isti corruerunt, miserias nostras nobis apportauit. Et tamen vellent homines isti hodierno die & appeterent latitare, seque in turbam istam intrudere vt sint obscuri, societati culpa inuidiam declinare cupientes, quasi publica via errauerint. At ex contrario statuimus, quo plus improborum fuit, eò plus fructuum Iesuiticorum extitisse. Præterea tota ista sedecim virorum assecularumq; sentina, omnes isti malorum Principes, nonne iam sunt in itinere Hispaniam versus, æternum à coelo Galliæ exulantes, quod tam longo tempore fecerunt pestilentissimum? Eho, quid ergo hic adhuc Iesuitæ agunt? quid agant, rogastis? nonne id videmus satis? quas factiones, quæ consilia violenta, quas corruptiones, & quas ferme seditiones iam non commouerunt? Credite, amplissimi viri, credite illis non frustra abire tempus: isti animi instabiles, ad excogitandum acutissimi, ad audendum impudentissimi, ad efficiendum acerrimi, non otiosi, non inutiles sunt, singulis diebus literarum fasciculos ex Hispania, omnibusq; Galliæ partibus.

tibus accipiunt, quos Suesiones deferri cūrant: ipsi, ipsi inquam extra urbem exportant eos (nam qui Iesuitam scrutatus fuerit, crimen patrauerit læsæ maiestatis Diuinæ, nec ullus adhuc Capitaneus extitit, qui facinus istud ausus fuerit aggredi) ipsi in conclaue suum, consilijs habendis destinatum intramittunt eos quos volunt contra Rempublicam & ciuitatem hanc aliquid machinari: modò præ se ferant in Ecclesiam aut ad confessionem peccatorum abire apud Iesuitas, quis ea audacia futurus est, vt nescio quas reliquias sedecim virorum aggrediatur, quæ in Capita nostra coniuraturæ sint: ergo ne patiemur semper nobis hypocritas istos tam dignè illudere: ergo ne semper barbarorum illorum similes futuri sumus, qui machinas bellicas ludificabantur, quum aduersus muros suos aptarentur, donec se grauius ter quassari illis senserunt, & irruptione superari: an permissuri sumus vt inimici nostri tabulata recolligant sui naufragij: vt Iesuitæ nouas artes nectant, suasque factiones informant denuò in mentibus & conscientijs populi, qui nunquam non superat multitudinem.

Quamquam in hac causa nihil tam videtur dignum admiratione, quam si de modò cogitemus, quo obtineri potuit vt dilationes expectarentur, iurisq; formulæ & cautiones importunæ, & qua arte affugerint, ne illicò ex improviso & sublata omni mora, quæ cum otio possent ambitu propugnare quod scelere commiserunt, è medio efferentur, vt Burdegalæ factum est. Quod quidem facinus est præclarissimum, gloriaque & laude dignissimum, quod Dominus Mareschallus Matignonius vnquam perfecit: licet caput gerat innumeris lauris circumdatum, quas ex amplissimis victorijs antehac reportauit.

Ille profectò certus & deliberatus

*Responsio
ad illud
quid dicitur
Romæ*

liberatus ictus, quem tum effecit Matignonius, rationem attulit ipsi Aquitanie conseruandæ, quæ absque hoc fuisset, tum certè se ibat perditum, & reliquæ insuper Gallie ruinam lamentabilem per illud tempus fuerat importatura.

O Magnifice & Generose Mareſchalle, tu non à calumnijs tibi metuiſti, non à doſiſis improbiſque linguis, non à fœtido illorum vomitu, qui ſeſe in medio noſtri pro ſeruſ Regis falſo venditantes, fouent, ſuſtinent, ſuſflaminant & fauent crudeliſſimis, maxime deteſtandis, & iuratiſſimis hoſtibus ipſius. Sed tandem omnes malè perituri ſunt, cum ſuis illis Ieſuitis, vtcunque ſpecioſas conſiderationes obducant, quarum hæc primaria.

Quid dicetur Romæ? *eho, & quid de Domino Mareſchallo Matignonio dictum eſt? cupimusne cognoſcere quid ſit Romæ dictum? & diſtinguamus eos quorum dicta futura ſunt. Dicturi ſunt Hiſpani, eos qui Ieſuitas ex Gallia exterminauerint, omnes Hereticos eſſe. An illi aliter locuti ſunt, non dicam de nobis ſolùm, qui Regis fortunam ſequuti ſumus, ſed etiam de hīs, qui in hac vrbe conſiſtentes adeò fortiter & cum enidentiffimo ſalutis ſuæ vitæq; periculo interceſſerunt, ne Lex Salica perimatur? An non dicebant Hiſpani omnes Lutheranos atq; Hæreticos eſſe?*

Contra verò quicumque Romæ & in Italia tota non ſunt futuri Caſtilianarum partium, non obſcure dicent hic Rhodum, hic ſaltum eſſe: iam Gallos ſeriò cogitare de rebus ſuis, cupere integros liberofq; permanere, & hoſtes iuratos Hiſpaniæ: nunc demum ipſos in ſuis rebus peruidentes eſſe, quum à ſe ſuoq; confortio abigunt exploratores inimici ſui: hic denique ſpectatam illorum virtutem eſſe, quod velint vitam viuידam certamq; in incolumitate viuere, quandoquidem atros humores iſtos, & recoctos, & malignos excreant, excernantq;.

At ſi

At si Iesuitæ tantopere sunt exitiales Gallix, saltem *crudelitas*
 maxima miracula per Indias efficerunt. Maxima quidem *carum in*
 certè, atque dignissima, quæ diligenter à nobis obseruen- *Indijs.*
 tur. Nam adhibita Castilianorum suorum opera ad mor-
 tem impulerunt ferro & igne, ducenties cētena millia
 miserorum innocentium, quos historia ipsa ab istis per-
 scripta agnellos vocat. Paganismum quidem inde auelle-
 runt, non convertentes paganos illos atque infideles, sed
 excarnificantes quam crudelissime. Atque hic observanda
 est ratio, qua Hispaniolam Insulam ipsius incolis exhaus-
 erunt: omnes viros seorsim ad unam insulæ partem per me-
 talli fodinas deduxerunt, foeminas ad alteram partem in
 aratione occuparunt, sic cauendo ne qui amplius nasce-
 rentur, & viuos omni crudelitatis genere exercendo, spa-
 tio annorum quasi duodecim præstiterunt tantum, ut in
 magna illa insula, germani solum Castiliani restiterint. In
 peruvica Equuleos habent tormenta que publica per fora
 quibus ad mille viros impetu vno possunt imponere: atq;
 hic milites & lixæ miseros istos Peruvianos divexant ut
 confessionem ab invitis extorqueant, indiciumque the-
 sauri sui. Itaque si quando elabi possunt, ad montes fugiūt,
 seque in foelice arbore suspendunt, uxores suas lateribus
 suis adhibentes, & liberos parvulos pedibus. Hæc mon-
 stra atque portenta Tyrannidis nō secus Venantur homi-
 nes, quam hic Venamur certuos, eosque a molossis & Ty-
 gridibus vorari curant, quum eos ablegant ad mellis &
 ceræ investigationem, itemque a Tuberionibus, quum
 eos uniones piscari iubent in periculosissimis maris pro-
 pinqui locis. Quod si forte miseros istos secum in bellum
 abduxerint, nihil commeatus quicquam eis suppeditant,
 sed vesci cogunt carnibus hostium: adeo ut Hispanicæ il-
 lorum copix vera sint macella humanarum carniū. Et
 miramur crudelia facta, quibus in his partibus sese con-
 H taminant;

taminant? quæ tamen lenitatis humanæ futura sunt, si cum illis, quæ didicerunt exequi, comparentur. Vsq̃ adeò feruebant homines isti avaritia, vt naues suas triplo magis onerarent miserrimis istis mancipijs, quam aut illæ vehere possent, aut ipsi alere: quapropter tanto numero eos in mare proñciebant, vt petentibus ab Insula Lucayos Hispaniolam (est autem spatium longissimum) nec magnete, nec pinacio vel Carta marina opus esset cuiquam, sed vestigia solum miserorum Indorum persequenda essent in alto fluitantium, quemcunq̃ in locum Hispani truces proiecerant.

Videte iam Galli, etiam atq̃ etiam contemplantini, qua gratia vos Deus affectit, qui vos à seruitute monstrosæ & portentosæ istius gentis vindicavit. Numellæ, Cippi, Catenæ, vobis fuissent futuræ in delictis: plenis nauibus fuissetis in Indias exportati, vt metallicis daretis operam: dum isti gratiosi Domini colonias in vestris Opidis statuissent, & prædia vestra rustica in censu ad libidinem animi sui collocassent. Atq̃ hæc ratio tamen ex sermone scilicet ipsorum fuisset plantandi Religionem Catholicam, quò omnes veros Catholicos morti addixissent, aut Catenis constrictos tenuissent, nec alios incolas in tota Gallia, quam atheos, prædones, Sicarios, incestos, & stipendiarios Hispaniæ suæ reliquissent.

*Responsio
ad illud, de
illis quæsti-
onem habe-
te atque
indicate,*

Si ergò, dixerit quispiam, tanta est Iesuitarum improbitas, quæstionem de ipsis haberi, sententiam ferri, supplicium sumi necesse est. Ego verò respondeo Dominum Procuratorem Generalem non esse nescium, quid sit postulato opus aduersus eos, de quibus ipse viderit. Sed quod vniuersitas, Filia primogenita Regis, quæ non potest quin abruptat vincula linguæ suæ, vt ex-
clamet

clamet in eos, qui trucidare student Parentem suum, in-
tendit actione præsente, hoc inquam illud est, vt alij o-
mnes excedant Regno dum capitalis quæstio in illos ha-
bebitur, qui in vincula rapti fuerint: *lenia remedia &
seges medicos non expetunt mala nostra*. Nota est passim &
admodum recens historia fratrum Humiliatorum &
Cardinalis Bonromæi. Tentauerat vnus de fratrum isto-
rum numero Cardinali adferre violentas manus, illicō
fratrum istorum Ordo extinctus est, & quicunq; ordinis
illius erant Italia pulsi per Pium Quintum Pontificem,
verè suo nomine dignum, qui conspirationes contra
Turcam communem hostem procurabat, pro eo quod
alij contra hoc Regnum instituunt eas. Et nunc quum
Regem vnum Gallix voluerunt morte violenta affici,
quum fecerunt vt Varadius ille Sicarius effugeret, quidē
an non Iesuitæ expellentur: profectō quicunque de-
fendunt propositionem istam, pluris vitam Cardinalis
vnus faciant, quàm Francorum Regis, qui primoge-
nitus Ecclesiæ filius, defensor atq; protector est.

Leges ciuiles enūciunt, exterminant, miserūsq; per-
petuis damnant inde ab uberibus eorum liberos, qui in
salutē vitamq; Principis aliquid intentauerint. Nempē
exemplum metuitur. Et nos conseruabimus sodales Va-
radij scilicet: qui idem votum, simile desiderium, ge-
minumquē consilium habent, & qui auctores euadendi
fuerunt ipsi: Sic quandocunq; vnus aliquis Iesuita,
quicquam aggressus fuerit in Sanctum caput vnus ē
Regibus nostris, hunc enūciemus solum. Egregiam
verō propositionem, qua efficiatur illud, vt ante peri-
mantur viginti Reges, quàm Iesuitæ omnes ex Gallia
exigantur. Certē qui in hac sententia sunt, non admo-
dum sibi metuunt, a mutatione Regis.

Si consiliū ageretur de illis morte plectendis, ut olim Templarijs factum, capitalis quæstio instituenda in ipsos esset, sed quid Iesuitæ obtendunt? se in Galliam aduenisse narrant, ut nobis multum utilitatis adferant: nos autem ipsa docet experientia istos homines in causa fuisse nostri exitij, quid ampliore quæstione nobis opus est? abeant illi, & istam utilitatem adferant inimicis nostris. Atque in hanc sententiam memini apud Tacitum extare insignem locum: Si, Patres conscripti, unum id spectamus, quam nefaria voce aures hominum polluerint, neque carcer, neque laqueus sufficiant: est locus sententia, per quam neque impune illis sit, & vos severitatis simul ac clementia non poeniteat: aqua & igni arceantur. Hæc iusta in Iesuitas sententia

Rem plus
satis noto-
riam esse,

Accedit ad hæc, quod ante annum 85. hanc formulam, si fortè, opus fuisset ad causam istam adhiberi: *hæcenus enim flagitijs & sceleribus velamenta quasuerant. Iam verò quum in hoc tempore factum ipsorum & ius adeò notorium est, nec literas hic desideramus, nec testes. Eleganter enim Quintilianus, quadam sunt crimina læsa Reipublica, ad quorum pronuntiationem, soli oculi sufficiunt: nec abludit ab eo Seneca 10. Controuersi. an læsa, inquit, sit Respublica, non solet argumentis probari: manifesta statim sunt damna Reipublicæ. Si quis Iulium Cæsareprehendere potuisset, an verò fuisset opus committi cum ipso testes, ut probaretur, ipsum Rubiconem transmisisse? in armis Italiam ingressum esse? & ærarium publicum exhaustisse? Pictores & Poetæ olim gladium è vagina strictum iustitiæ tribuerunt, ut docerent non semper scrupulosa quadam religione & mora utendum esse, nec malos Medicos imitari oportere, qui morbis tempestiuè non adhibent remedia commoda, sed tantisper differunt dum vires & facultates ægroti attenuatæ & planè attritæ sint.*

Sed quid est quod notorium appellamus? hoc vno verbo

verbo definiunt omnes Doctores nostri, quod sit coram populo. Atq; vtinam, vtinam Iesuitarum crimina tam atrocita, tam certa, tamq; notoria minimè extitissent: non fuisset tam multas calamitates perpessi.

O vtinam arguerem sic, vt non vincere possem.

Me miserum, quare tam bona causa mea est?

Sed nihil integrum Aduocato reliquerunt: res enim manifestissimas insituri, arguentis est crimen, non diluentis. Philo Iudeus in Decalogum agens de voce Dei, præclaram rationem adfert cur ea videretur: nam, inquit, quod Deus dicit, non verbum solum, sed etiam opus est. Et illud fertur in ore omnium, vocem populi, id est, bonorum ac non imperitæ plebis, vocem Dei esse, quia de rebus notioris loquitur, de rebus quæ sub aspectum cadunt, & de quibus est nullus omnino mentiendi locus.

Obijcitur, atqui Iesuitæ non omnes sunt extranei. *Responsio*
 Quid tum? quasi verò qui adoptione & fide data Hispani sunt, non effecissent nos longè grauioribus malis, non omnes quàm Hispani nati. *ad illud*
Ego potius ciues credam, qui in extrema exteros
Scythia nati bene de Gallia cogitant, quàm qui Lutetia geniti & esse.
ducant locum, libertatem, gloriam, in qua nati sunt, per summum
scelus perdere velint & conentur. Comoletus, Bernardus, &
 horum similes, nonne Galli sunt? in gremio Galliae ipsius nati? & tamen an vlli homines sunt, qui tanta impudentia omne contumeliarum & blasphemiarum genus vomuerint contra maiestatem Regis, & sanctam memoriam defuncti Regis nostri: estne quisquam in toto orbe terrarum, qui tantum laboris ad subuersionem publici status nostri consumpserit? Nā modo præterea detur falsa aliqua Religionis species, quidquid sit prætextu illius, id missionis est: trucidare, aut trucidandos curare *Iesuitarum missio.*
 Principes, quos excommunicauit Pontifex, hoc præcipuum missionis caput, Varadius ipse, qui Melodunensem

Bona &
commoda
quæ perci-
piunt à
Philippo
Rege.

Vita Igna-
tij, 177,

istum sicarium monitis & hortationibus confirmatit,
nonne Parisiensis est? Deus bone, quam diu iam iste le-
suitarum ordo, ex Gallia eiectus & exterminatus fuisset
planè, si apud nos Hispani alij non fuissent, quàm qui
trans Pyrenæos saltus sunt editi? Bona profectò & com-
moda immensa, quæ Rex Philippus ergo Iesuitas con-
fert, satis manifestè docent, eos pro bonis subditis & in-
strumentis commodis dominatus sui ab ipso semper habi-
tos. Maxima illa navis Iesuitarum oneraria, quæ au-
rum ipsorum mercesq; exportat ab Indijs (nam vndequa-
que homines isti corradunt, vt ærarium suum Romæ &
in Hispania adaugeant) maxima inquam navis illa, quin-
tam non pendit (vt aliæ) Philippo Regi: quæ res ter-
tis quibusq; annis ipsis adfert commoda amplius ducen-
ties millia coronatorum. Tum nomine quæsitæ Lusita-
niæ in partem attributam ipsis dono dedit munus illud,
quod Reges Indiarum Orientalium tertio quoque anno
Regi Lusitanix sunt præstare soliti: quæ res, si aurum,
vniões & aromata placeat æstimare, efficit amplius qua-
dringenta Coronatorum millia. Ac propterea vt iustam
aliquam munificentix istius præbeant compensationem,
non secus de ipso loquuntur ipsumq; prædicant, quàm ve-
lut summum Principem, qui vnquam in orbe terrarum
extiterit, priscos Romanos viribus superantem, & Re-
gionum amplius obtinentem quàm possideant cuncti alij
Reges orbis vniuersi.

Pergite, animæ Hispaniæ, pergite iam extollere &
Iesuita Car- magni facere vires Castiliani Regis: effecturus est vt
dinalis Hi- omnes Cardinales sitis, quemadmodum Toledo Iesuita
spanus. Hispano factum. Respuunt modesti homines exigua
beneficia (et si per magnum Prioratum, Abbatiarumq;
numerum annectunt atq; adiungunt mensæ suæ) sed vt
sitis Cardinales, hac via tandem ad Pontificatum per-
uenturi,

uenturi, id verè non potest, nec debet anima vestra recusare. Quis asperis & audacibus verbis Illustrè Dominum Ducem Niuernensem excepit, & pro auctoritate relationem fecit, nisi Iesuita iste Cardinalis Hispanus? qui tanta fuit impudentia, vt Ianuario vltimo sit ausus ei dicere, oportere vt tres Prælati se conferant ad Cardinalem Sancti Seuerini, Inquisitionis caput, absolutionem ab eo petaturi, quod interfuerint conuersioni Regiæ maiestatis. Orem pudendam: ô blasphemias contra Deum & Sanctam Religionem eius grauissimas: operis præclarissimi, sanctissimi, vtilissimi, & summè necessarij supra quam in orbe Christiano fieri quicquam potuit, absolutionem peti? Sed hoc illud est: quia damnosum, ac fermè exitiale est Hispano, id Iesuitæ semper damnaturi sunt, & factum dignum poenitentiae atq; absolutione iudicabunt. Hæc certa causa est, cur isti patresfamilias diligentissimi, simul ac fama de sancta illa conuersione ad se fuit perlata, Puteanum (qui iam Prouincialis ipsorum est) Lutetia miserunt Romam, vt fictam & simulatam eam esse Pontifici persuaderent.

Sed iam tot traxisse moras, tot spicula caderè vellere.

Ecqui vocare in dubium possumus, vtrum parricidas istos effici oporteat, cum inde ab anno 1550. (vt Dominus aduocatus Menilius in Oratione sua annotauit) postquam Iesuitæ literas suas exhibuissent signatas, in præsentia Cardinalis Lotharingæ, & perscriptas hoc argumento, quod isti in Hispania accepti essent, præclaro scilicet argumento & consideratione dignissimo, hæc literæ purè simpliciterquè à Curia congregatis semestribus duobus reiectæ sunt? Deinde post quadriennium instantibus iterum importunitate sua Iesuitis, Curia iudicium Collegij Sorbonæ desiderauit: quo tempore conuentus Sorbonæ dies quatuor ipsos habitus (quemad-

Parlamentum erexit
eos inde ab
anno 1550
Pag. 30.

(quemadmodum indubitatè Sanctus Spiritus inter eos præsidebat) verè diuino instinctu & inspiratione præuidit, iudicauitq; istos homines damnosissimos atq; perniciosissimos esse, tum statui Regni, tum causæ Religionis, & contentiones infinitas, diuisiones, dissensionesque in gente Gallica effecturos. Atq; ne quisquam putet fortasse iudicio illorum rem vllam adñci, en vobis ipsa verba decreti Sorbonæ, quo describitur pauculis verbis malum istud grauissimum, quod nouæ istius & periculosæ sectæ opera accepimus.

Decretum
Sorbonæ
contra eos

Hæc noua societas insolitam nominis Iesu appellationem peculiariter sibi vindicans, tam licenter & sine delectu quaslibet personas, quantumlibet facinorosas, illegitimas, & infames admittens, nullam a secularibus Sacerdotibus habens differentiam in habitu exteriori, in tonsura, in horis Canonicis priuatim dicendis aut publicè in templo decantandis, in claustris & silentio, in delectu ciborum & dierum, in ieiunijs, & alijs varijs legibus ac ceremonijs (quibus status religionum distinguuntur & seruantur) tam multis tamq; varijs priuilegijs, indultis, & libertatibus donata, præsertim in administratione Sacramenti Pœnitentiæ & Eucharistiæ, idque sine discrimine locorum aut personarum in officio etiam prædicandi, lægendi, & docendi, in præiudicium Ordinariorum, imò etiam Principum & Dominorum temporalium, contra priuilegia Vniuersitatum, in magnum populi grauamen, Religionis Monastica honestatem violare videtur, studiosum, pium, & necessarium virtutum, & abstinentiarum, ceremoniarum, & austeritatis enervat exercitium, imò occasionem dat liberè apostatandi ab alijs Religionibus: debitam Ordinarijs obedientiam & subiectionem subtrahit, Dominos tam temporales quàm Ecclesiasticos suis iuribus iniuste priuat, perturbationem in vtraq; Politia, multas in populo querelas, multas lites, discordias, contentiones, emulationes, rebelliones, variaque schismata inducit. Itaque his omnibus atq; diligenter examinatis & perpensis, hæc Societas vide-

Reiecti et-
iam in Ita-
lia.

At non solum Sorbonæ Parisiensis Collegium exti-
tit, quo auctore damnantur isti: sed Romæ etiam cer-
nentes, optimi quique Hispani illius Ignatij consilium,
intercesserunt gravissimè. Hoc enim Iesuitæ ipsi scriptis
tradiderunt in vita illius pagina 144. postea verò Ignatio
eiusmodi instituti confirmationem scriptam postulante, negotium à
Pontifice Maximo tribus Cardinalibus datum est, qui ne res confice-
retur magnopere pugnabant, præcipuè verò Bartholomeus Guidicij
onus Cardinalis, vir pius quidem atque eruditus, sed qui tantam reli-
gionum multitudinem, quanta nunc quidem in DEI Ecclesia cerni-
tur, minus probaret: Conciliorum Lateranensis ac Lugdunensis de-
cretis fortasse permotus, quibus nimirum novarum religionum mul-
tiplicatio prohibetur: aut certè propter quarundam laxam fluxam-
que disciplinam, quam in pristinum statum revocandam censebat po-
tius quàm novas religiones instituendas: atque de ea re librum dici-
tur scripsisse. Quapropter cum id sentiret, acriter nostris restitit,
& societatis confirmationi nūus omnium acerrimus repugnauit:
aliqui non nulli conatus cum illo suos coniunxerunt. Quid ergò
in causa fuit, cur istis omisis impedimentis omnibus re-
cepti sint? nempe quòd promiserunt expressè quartum
votum obedientiæ Pontifici, suprà quàm omnibus Prin-
cipibus terrarum orbis. Nam hoc illi ipsi eadem pagina
144. literis consignarunt, in hæc verba: quorum quidem
religio, Clericorum Regularium esset: institutum verò, ut summo
Pontifici ad nutum præsto forent, & omninò ad eam normam vi-
tam suam dirigerent, qua multo antè meditata & à se esset consti-
tuta, quod quidem Pontifex tertio Septemb. Tibure libenter audi-
uit, Anno 1539.

Quæ cum ita sint, reiectos certè fuisse illos dicamús
in Gallia Italiaq; necesse est à summis quibusque Catho-
licis, sed Hispanicum minimè sentientibus. Nisi fortè eò
labantur impudentiæ cum Patronis suis, ut affirmare
audeant hæreticam fuisse Sorbonam anno 54. quum il-
lud de-

Iud decretum aduersus ipsos perfereret: pro vt etiam
 in hoc tempore adeo sunt perfricta fronte, vt apud muli-
 erculas in suo coetu pronunciare non dubitent, eos omnes
 qui hanc causam persequuntur, hæreticos esse, Geneva
 & ex Anglia aduenire. Quod si ego ipse qui dico, non
 essem cognitus inde à pueritia mea, qua in Regali Col-
 legio Nauarræ fui institutus: si etiam notoria mea pro-
 fessio, atq; admissio in publica & honorata munera inde
 ab anno 80. & 85. non absoluerent me ab istorum technis
 manifestissimè, libenter sanè fingerent me inde ahlega-
 tum esse, qui orationem in ipsos habeam. Sed quis est,
 qui Iesuitis obloquens bonus Catholicus dici possit, cum
 Sorbonam ipsam ab Inquisitione Hispaniæ hæreticam
 curauerint pronunciari? hoc ipsi nos Iesuitæ docent,
 qui gloriose prædicant se, postquam decretum illud Sor-
 bonæ contra se scriptum vidissent: ad Castilianam In-
 quisionem confugisse, vt Sorbonam Parisiensem de-
 cretumq; illius curarent condemnari. Cogitate, viri
 Amplissimi, quis ex manibus inhumanæ, barbaræ, Hi-
 spanicæ Inquisitionis istius, istius pedicæ contra omnes
 positæ qui se amplitudini Castilianæ obiecerint, istius
 sanguinariæ officinæ omnis crudelitatis, istius pegmatis
 ad omnes horrores terroresq; tragicos, qui excogitari
 in orbe possunt constituti: quis igitur ex manibus In-
 quisionis istius elabi possit, quum ipsa Parisiensis Sor-
 bona damnata sit iudicio eius. Sed vbi est, inquires,
 ista condemnatio? habes in libro ipsorum, qui inscribitur
 vita Ignati, pag. 403. Porro in Hispania, quod Sorbo-
 nense decretum contra sacrosanctam sedis Apostolicæ esset aucto-
 ritatem, à qua religio nostra probata & confirmata est, fidei qua-
 sitores illud tanquam falsum & quod pias aures offenderet suo de-
 creto legi prohibuerunt.

Nemini hoc mirum videri debet, quod adeo curæ Iesuitæ sint inquisitioni: cum hæc duo instituta non alio fine facta sint, quam vt Castiliana Tyrannis in vniuersa Europa constabiliretur.

Peroratio. Et nos adhuc frigere in exterminandis his, qui sibi in Hispania consulunt prospiciuntque contra eas res, quæ iure in Gallia peraguntur: qui omnia monita iudiciorum ad hostem nostrum deferunt: qui prodiones omnes moliantur: qui animos corrumpunt iuuentutis nostræ: qui denique nihil tantopere in hac vita expetunt, quam vt Regem e medio tolli curent: quid amplius volumus expectari? *opportuni magnis conatibus transitus rerum: nec cunctatione opus est.* Omnes sunt iustissimè in istos homines irritati: manat adhuc tota recens malorum plaga, quæ illi apportauerunt. Omnino aut hæc actio Galliam ab istis nouis monstris ad ipsam lacerandam natis liberatura est: aut, si ipsorum doli, si artes, si rumores per ipsos disseminati eos tutabuntur, alta voce dico (rationem quidem inuenerunt efficiendi vt occluderentur portæ: sed vox mea in quatuor huius Regni Angulos penetratura est, quam ego adhuc consecrare statui posteritati, sine metu & perturbatione vlla iudicaturæ quæ nam ex Gallis fuerint meliores & studiosiores ad relinquendam sibi eandem libertatem quam à maioribus nostris accepimus) alta igitur voce dico, *quantum poterero voce contendam*, isti nobis plus mali quam vnquam fecerunt afferent. Aceo tempore equidem incertus sum, vtrum integræ adhuc sint futuræ vires nostræ: nescio vtrum adhuc nouo quodam impetu bona & vitam nostri homines periclitari volent:

Pectore concipio nil nisi triste meo.

Res mundi istius transeunt, labunturque momento vno: pigriores nautæ sereno cœlo in portu desident:

vincas

*vincat sententia, quæ diem non profert, Enimvero quorsum
dilationes istæ? scilicet vt otium illi commoditatemquē
habeant pertingendi institutum suum plenum lachry-
mis, atq; adeo cruore honorum omnium. Tygres leonesq;
nunquam feritatem exuunt: aliquando submittant, & quum mi-
nime expectaueris, exasperatur toruitas mirigata: Ita mihi salua
Repubblica vobiscum frui liceat, vt ego quod in hac causa vehementior
sum, non atrocitate animi moueor, sed singulari quadam humani-
tate & pietate. Propono mihi ante oculos assiduē Me-
lodunensem parricidam illum: & tantisper dum Iesuitæ
confessarij hortatoresq; istarum cædium in Gallia futuri
sunt, nunquam mihi animus inquieturus est. Cum
autem eiectioni fuerint, tum verò securus futurus sum:
tum scelerata omnia consilia Hispaniæ perrupta in Gal-
lia prospecturus: tum omnia corpora & confratriæ de
nomine Iesu, Loramenti, Virginis, Pallioli siue Cappæ,
spiræ, orbicularis, collaris parui, & aliæ innumeræ ex-
tinctæ futuræ sunt: si tum denique proditores isti, qui
publicum Regni statum appetunt machinationibus, ne-
scient quem hic appellare possent. Nam vt ad Legatum
Hispaniæ adeant: nullus est apud nos: vt ad suspectum
aliquem, res quamprimum reuelabitur. Tum particula-
rium hominum chartæ in manus Magistratus ipsorum
morte relabuntur: Sed hæc societas non moritur vn-
quam: deinde specie religionis deuotionisq; semper la-
tet consilij illius conuocatio: postremo ex centenis ho-
minibus qui confidunt istis, vix bini deprehenduntur,
qui arcana sua cum alijs communicent.*

Nesciet hoc quisquam nisi tu, quæ sola meorum

Conscia votorum es.

*Sicut igitur in corporibus ægri nihil quod nociturum est medi-
ci relinquunt, sic nos quicquid obstat libertati rescindamus. Neq;
imitemur homines ex bile laborantes, qui renunt me-*

dicamentum sumere ad integram curationem sui, sequē
 solum leuari curant ea biliosi humoris parte, quæ fasti-
 dium adfert, tandem verò magno cum scenore grauissi-
 morum dolorum vehementissimorumq; torminum dant
 pœnas stultitiæ suæ. Quemadmodum etiam odoramen-
 ta sunt, quæ miseros ex comitali morbo laborantes ad
 momentum reuocant & restitunt ipsis, non sanitatem
 adferunt. *ad exiguum momentum prosunt, nec remedia doloris
 sunt, sed impedimenta etenim profectò lesuitæ nulla ratio-
 ne comprehendendi possunt in declaratione à Rege facta,*
 cui exceptio hæc inest his ipsis verbis: *excepta solum mo-
 litione & feloniam sine atroci perduellionis crimine commissio in per-
 sonam defuncti Regis Domini & fratris nostri honoratissimi, quem
 Deus absoluat, & institutio in personam nostram?* quæ verba
 ad nullam rem tam commodè pertinere possunt, quàm ad
 lesuitas, qui Lugduno primum, deinde Lutetia mise-
 runt sicarium Regi vitam crepturum. Adde quod e-
 dictum illud die 4. Aprilis 1594. perscriptum, non
 ignoscit alijs quàm qui omnibus fœderibus & consocia-
 tionibus, tum in Regno, tum extra fines Regni renun-
 ciauerint. Cum autem præcipuum lesuitarum votum
 sit, eos in omnibus, & per omnia Generali suo Hispano;
 & Pontifici obedientiam præstituros: nullo pacto pos-
 sunt consociationi isti omnium, quæ in mundo sunt ar-
 ctissimæ renunciare, quin societati suæ renuncient.
 Denique non possunt hîdem & lesuitæ esse & compre-
 hendi edicto Regis: quo insuper cautum est, *ut cum
 renunciationes istæ intra mensem fiant, cum Injurandum fidei-
 tatis: quas res ne hoc quidem tempore lesuitæ perfec-
 erunt, imò ne actis quidem ullis docere possunt id se vo-
 luisset, aut tentauisset facere: quemadmodum reuera non
 sunt habiles istius facti, quia nemo potest duorum Do-
 minorum simplex & absolutus Vasallus esse.*

Eleganter olim dixit quidam, *quid prodest strenuum vniuersum esse in bello, si domi male viuitur?* interea dum Rex in armis est, vt euertat, fundat, enīciat inimicos suos, & vrbes cogat, quæ se in rebellionē sua obfirmauerint, dum ardorē solis, asperitatemq; hyemis perfert, & se quotidie bellorum exponit periculis, causā libertatis nostræ: feremus ne vt Iesuitæ in omnibus præcipuis oppidis diebus singulis excitent in eum suis confessionibus mille recentes aduersarios, & consilium secretum in eis habeant cuiusuis rebellionis & proditiōis perfidiosissimæ? *Quemadmodum aduersus pestilentiam nihil prodest diligens cura valetudinis: promiscue enim omnia inuadit: similiter frustra Magistratus curaturi sunt, laboraturi, huc illuc in omnes partes discursuri: tantisper dum pestis in sinu vrbis & Vniuersitatis est, acruatim ciues nostros sumus amisuri.*

Nunquam tempus viderunt in Gallia Iesuitæ ad rationes ipsorum commodius hoc postremorum bellorum tempore: quod tempus libentissimè (vt olim Commodus) seculum aureum appellassent. Nam cætera Collegia omnia videbant ab extraneo præsidio conseruati occupari, atq; in dies singulos destrui: videbant omnes studiosos secum esse, totamq; Academiam ad solum Iesuitarum Collegium redactam, prout etiam fermè est in hoc tempore. Credi non potest, quas strages ediderint in teneris pueritiæ mentibus, dum nihil aliud in suis narrationibus ac thematis obtruderent, quàm quibus rationibus vitam Regi eripere sit permissum. Etli quod Lutetiæ commiserunt malum, si bene obseruabitur, nihil ad illud malum, quod alijs omnibus oppidis intulerunt.

Sunt qui affirmare audeant damnum Academiæ Parisiensis claustris murorum eius circumscriptum esse: sed oratores isti malè attenderunt ad rei veritatem. Nam si rivos

si rivos sistamus, ex quibus simul iunctis existunt ingentes flumines, certè fluuios exarescere est necessarium. Sinite Iesuitas in prouincijs omnibus obtinere: oportet exarescat Parisiensis hæc Academia. Et reuera sola comparatio summi illius gradus & fastigij gloriæ, in quod vos, Amplissimi viri, vidistis euectam nostram Vniuersitatem, labefactatio continua illius ex quo Iesuitæ venerunt in Galliam, seq̃ per singulas vrbes vnde frequentia studiosorum affluebat confirmarunt, abyssus deniq̃ paupertatis, miserix, atq̃ egestatis, quo iam adducta est (iam enim propè est quum actura sit animam, nisi per vos, Domini Amplissimi, natos suos in summis istis difficultatibus succurratur ipsi) nonnè satis luculenter æquitatem docet tàm quærimoniæ, quàm postulationis huius quam nunc à vobis postulat?

Quòd si dies conseruationis non minus fecunditatis habet, quàm natalis habere solet, certè dies ille quo Iesuitæ ex Gallia exigètur, non minus obseruatione dignus futurus est, quàm dies, quo fundata & instituta est hæc nostra Academia. Et quemadmodum Carolus Magnus, postquã Italiam à Longobardis, Germaniamq̃ ab Hungaris liberasset, bis Hispaniam transmisisset, & sæpenumero Saxonas domuisset, instituit Parisiensem Academiam, quæ annos octingentos fuit omni artium & scientiarum genere florentissima, perfugiumq̃ literarum extitit ex Asia exulantium, & in Græcia, Ægypto, atq̃ Africa euersarum. Similiter hic Magnus Henricus expulsus vi armorum Hispanis, & exterminatis aresto sententiaquè vestra Iesuitis, hanc nostram Academiam in splendorem pristinum & antecedentem gloriam ipsius repositurus est, & nomen laudesq̃ ipsius decantabuntur æternum in theatris nostris, eruntq̃ triumphus ipsius, victoriæq̃ & fortia facta perpetuum versum nostrorum & Panegyricorum argumentum.

Vos

Vos autem, Domini Amplissimi, quibus hoc tantum bonum, hæc rara atq; optanda felicitas nunc demum contingit, ut sedeat ad iudicium magnæ huius & pergrauis causæ: attollite, obsecro, attollite cogitationes vestras, & in futurum usque seculum eas protendite. Vestrum nomen, memoriaq; vestra aureis literis æternum incidentur, non solum in nostra Academia, verum etiam in animis bonorum omnium, ac præsertim verorum Gallorum omnium.

Aurea clio,

*Tu nihil magnum sinis interire:
Nil mori clarum pateris, reseruans
Posteris Prisci monumenta secli
Condita libris.*

*Tu senescentes titulos laborum
Flore durantis reparas iuuentæ,
Militat virtus tibi: te notante*

Crimina pallent.

Hanc igitur occasionem oblatam tenete, & amplissimi orbis terra consilij Principes vos esse recordamini. Ne dubitetis, quin Arrestum vestrum quam promptissimè vbique locorum effectum reddatur: simul ac fama illius in alias vrbes transuolauerit, ea ipsa hora omnes Hispanici exploratores isti inde exigentur. Qui autem Parlamento dicant non esse auctoritatem efficiendi ipsos, nisi ex ditione conuentus sui & iurisdictione sua: nesciunt homines illi, quæ sit Parlamenti in huiusmodi causis iurisdictionio. Non sunt angustiores limites ipsius, quam sint mucronis, & armorum triumphalium Regis: qui curabit fieri Senatusconsulta vestra in ipso quoque Pedemontano agro, vbi secunda fortuna ipsius iam flores lilij sic implantauit procul, ut omnia tormenta Hispanica eos nec labefactare, nec commouere possint.

K

Rex

Rex quod bonum est expetit: an ergo credibile est eos amari à Rege, qui vitam ipsius quotidie appetunt, & qui omnes calamitates, quas miser populus ipsius perfert, attulerunt? Quum sententiam tuleritis Arresto vestro, tum si qui remorari volent executionem ipsius, eos ad centies mille oportebit conuenire, si quid per se effectum volent. Cupit Maiestas Regia, vt aliquo pacto sitis triumphorum ipsius participes,

Veterumque exempla sequutus

Digerit imperij sub iudice facta senatu.

Eiecit Lutetia præsidium Hispanicum armatum, apertumq; vos, Amplissimi viri, expellite rectum & secretum illud, expellite præsidium hoc, cuius opera alterum illud fuerat intromissum, cuius opera illud hic substitit tam diu, & cuius arte illud fuisset duplo confirmatum, si commoditatem transitus ad flumen Osiā adhuc habuissent, quando ad Bellovacos vsque peruenerunt. Venit tempus, serius omnino quam dignum nomine Francico fuit, sed tamen ita maturum, vt differri iam hora non possit, Considerate, si placet, Domini consultissimi, quem in locum res vestræ adductæ sint. Ducem Mayennatem reum læsæ Maiestatis pronunciauistis, & Tyrannum Hispanicum adiutoresq; ipsius arma sua cum armis illius coniungentes communes Christianitatis hostes. Forte sanè, egregiumq; dictum. Curate ut viri sitis, & cogitate quem in locum sitis progressi. Lutetiam illis extorsistis, quam se confidebant Dominationi suæ in perpetuum subdidisse. Nihil tam illis dolet, quam quod vitam omnibus vobis non eripuerint: nunc omnes vno ordine habent. Alio tempore nihil arce vobis opus esset, arx vestra foret tumulus vester: quin etiam hoc ipsum nescio, vtrum tumulum illum vobis concessuri essent. Deus hodie facultatem vobis exhibet, planè abruptendi in perpetuum omnes
technas

technas, omnes *nequissimas*, omnesq; contentionem ipso-
rum abditissimas: duobus praelijs cæsi videbuntur libi-
quum omnes lesuitas suos ex Gallia exactos audiuerint.
Nec committite, Amplissimi viri, vt hæc pulchra, hæc
commoda, hæc præsentissima occasio elabatur, expedi-
endi vos ab his hominibus, quibus literæ non sunt vsui
(vt olim Caracallæ) nisi vt instrumenta sint ad malefa-
ciendum aptissima. Expellite homines istos, quibus
pares non sunt vsquam in omni nequitia genere, *tam a-
cres, tam paratos, tam audaces, tam callidos, tam in scelere vigi-
lantes, tam in perditis rebus diligentes.* De quibus quum ex-
surgetis, Amplissimi viri, capita collaturi, recordamini,
obsecro, quam suavis futura sit poena exilij hominibus
illis, qui opes incredibiles in Hispania, Italia, Indijsque
possident, pro eo quod anno 1530. vna exigua pensitatio
ab Hispano submissa ipsis erat satis, prout ipsi scriptis
suis expresse testantur. Recordamini præterea, quæso,
iacturam necessariorum vestrorum, amicorum, fortuna-
rumq; vestrarum, desolationem Regionum tam multa-
rum, exitium tam magnorum Ducum, tam generosæ
nobilitatis, tam multorum fortium militum, quos Mar-
tis nostri, intestini furor pignorat, indelinenter
ab istis accens: quemadmodum se nunc quoq; in hac re
occupant. Ne dubitetis vel minimum, quin si Galliam
purgabitis, & hoc veneno leuabitis, perinde illi accidat
ac corporibus quæ ex longis & grauib; morbis recipi-
unt firmiorem valetudinem incolumitatemq; meliorem,
quam prius obtinuerint, latente morborum illorum
beneficio. Quum autem Aduocatus ipsorum ad vos
veniens laudabit magnum animum, & clementiam Re-
gis, memineritis, Amplissimi viri, hæc ab ipsis de Rege
prædicari, cuius sanguinem quotidie in votis habent,
mortem in optatis, eadem in detestandis & execrabilibus
K 2 ipso-
rum

ipsorum consilijs, veniat vobis in mentem de hoc Rege homines istos agere, cui adiutoribus istis inde à primo auctore suo Ignatio pars Regni Navarreni erepta est: Nec hodie tantopere laborant de re vlla, quàm vt omnibus viribus Regnum Galliae ipsi extorqueant, quod subditum & adunatum Hispaniae cupiunt, quemadmodum fecerunt Lusitania.

Jam satis, ô Rex, locus fuit datus patientia, jam plus satis proditores isti atq; sicarii in medio Regno tuo dissimulati sunt, quod ad te, gloria tua pervasit ad imperia terrarum orbis longinquissima: nihil nisi victoria audiuntur, & res parva tua: tibi cognomen Magni in perpetuum est comparatum & immortalitati consecratum: admirabilia facta tua, res tuae gestae bellicae, manus tibi palmis impleuerunt, pede auctoritatis tuae temeritatem, perfidiam, & spolia omnium inimicorum tuorum proculcante. Verumtamen, O Rex, non tibi soli vitam in hoc mundo vivis: animaduerte, obsecro, quantum gloria nominis tui foret obscurata, si posteritas in historijs legeret, eo quod angues isti non fuerint suffocati, aut certe ejecti ex hoc tuo Regno, te ab illis tandem fuisse perditum, omnesq; miseros subditos tuos post te. Restibi est, ô Rex, cum patiente & pernicace hoste: qui nunquam, nisi cum vita, praecipuas illas animo cogitationes immaneas, consiliaq; sua in Regnum tuum abiecturus est. Omnes aliae artes ipsius defecerunt, & infirmiores comperta sunt:
nihil

nihil jam apud ipsum restat, nisi ultimum illud remedium ipsius, ut tolli te e medio curet per Iesuitas suos, cum aliter sistere nequeat secundum cursum fortune tue. Utetur patientia, dissimulabit maxime, sed tamen ad scopum hunc suum semper collimabit, & tantisper dum Colonia ipsius Iesuitica in Gallia futura sunt, ubi iudicia, monita, & fasciculi accipiuntur literarum eius, ubi sicarii eius hortationibus, confessionibus, communione Sacramenti, celeusmatis confirmantur, nihil non poterit efficere. Quod si generosus animus tuus, ô Rex, non sinit te tibi metueri, huc saltem animum causa servorum tuorum liceat advertere: dimiserunt uxores, liberos, facultates, domos, commoda, ut sequerentur fortunam tuam: alij qui in magnis oppidis permanserunt, carnificinae sedecim virorum exposuerunt sese, ut portas earum tibi patofaccerent. Et nunc, ô Rex, an non vitam tuam curaturus esses, ut vitam serves illorum, ita cum tua coniunctam ut hæc distrahi ab illa non possit? non afficeret te misericordia respicientem ad tantum foeminarum, tantum liberorum infirmorum numerum, qui insolentia & crudelitatis Hispanica perpetua mancipia futuri essent? Restat inimicorum apertorum satis, ô Rex, quos in Gallia, in Belgio, & in Hispania expugnes: defende latera tua à sicarijs istis domesticis. Dummodò procul istos aberceas, de cetero nihil metuimus: non potest Hispanus assequi servitu-

tem nostram, nosq; sibi asserere, nisi per sanguinem tuum. Iesuita, quos creauit ille, nunquam in Gallia conquieturi sunt, quin eum profuderint. Fidelium quidem seruorum tuorum cura adhuc impediuit paricidia ipsorum, sed isti, ô Rex si ferantur inter nos, poterunt semper sicarios mittere, quos confessionibus & communione, ut Barrerium, instruant: nos autem, ô Rex, non poterimus in excubijs indefinenter esse. Fieri non potest, quin ij, qui eandem rem percontant sæpius, tandem assequantur: animus ipsorum totus cruentatus est morte defuncti Regis, cuius cades fuit instituta & deliberata in Collegio ipsorum: nec de illo conatu suo, quem in vitam tuam manifestò moliti sunt, potest dies noctesq; quiescere, sed oberrat semper somnians, semper versans, semper laborans, ut ad culmen istud consiliorum suorum perueniat, qui cumulus est optatorum omnium, & desideriorum omnium, quibus vruntur Iesuita; ille autem considerationes, quas tibi ô Rex, opponunt illi qui non sunt solliciti de morte tua, ille, inquam, totidem ferme sunt proditiones luculentissima, atq; manifestaria, quum vitam tuam confirmaueris, quum Regnum & Rempublicam cōstabiliueris, ex tot amplis & potentibus oppidis exterminato consilio publico, quod intus adhuc habent inimici tui Iesuitarum opera, tū certē trans montes formidabilis futurus es: tū, inquam, ô Rex, honor ille tibi habebitur, qui debetur primario

Europa Regi, Regi gloria & libertate magnificentissi-
me coronato, Regi maximo apud eos populos quos ba-
ptismo initiauit Deus. Sed dum spes futura est ulla
tui cum veris Gallis omnibus perdendi dolis, artibus,
& confessionibus Iesuitarum, indignissimis certe con-
tumelijs afficeris, quantas nunquam Rex ullus Gal-
lie perpeffus est. Tu filius es, ô Rex, primogenitus fa-
miliae Nobilissima, Augustissima, & antiquissima earum,
quae in orbe degunt: totum curriculum annorum tuorum
tropaeis, triumphis laureis, & victorijs instructum est,
quas de omnibus ijs reportauisti, quibus audax animus
constitit ad expectandum congressum tuum. Vocant
te omnes Prophetiae ad dominatum mundi. Nunc verò
quinam sunt homines isti, qui proditores, qui nothi
partus & adulterini Galliae, qui animo tuo conantur
metus iniicere ab offensa extranei, ut apud te deinceps
habeas parricidas illos, qui perpetua consilia agitant in
tuum ipsius caput? Soliti sunt Reges Galliae. ô Rex,
legem ferre, & non accipere. Deus ille Magnus ex-
ercituum, qui te deduxit manu ad eum usque locum,
in quo constitutus es, te ad res infinito ampliores adhuc
seruat. Sed ne contemnas, ô Rex, monita quae dan-
tur in hoc tempore: quin potius expellas cum sicarijs
istis Iesuitis, eos omnes, qui fortunam suam tumulto
tuo superstruunt, dum homines istos in Regno tuo sta-
tuunt retinere.

Concludo

Concludo irrogatione, vt placeat Curia accipien-
ti postulationem Academiae decernere, vt Iesuitae om-
nes à Gallia discedant, & exeant ex Regno, agris, & ditis
onibus, quae parent Maiestati Regiae intra diem decimū
quintum à denunciatione decreti illius: quae denuncia-
tio fiat in singulis Collegiis domibusue ipsorum, vnum
aliquem de ipsis illorum omnium nomine compellando.
Alias, nisi hoc fecerint, & si eorum quisquam in Gallia
post tempus illud deprehendatur, illico sine alia qua-
stionis, cognitionis, & processus forma condemnatur,
vt Reus laesae Maiestatis compertus, & vitam Regis ap-
petens: sumptusque refundi ab eis postulo.

RESOLVTIO VNIVERSITATIS
SOLENNITER ET LEGITIMAE CONVOCATA.
10. die Aprilis. 1594. causa postulationis
vt Iesuitae omnino expellantur.

ANNO Domini Millesimo Quingentesimo nona-
gesimo quarto, die lunae decima octaua Mensis
Aprilis, conuocata Vniuersitas omnium ordinum hu-
iusce inelyti studij Parisiensis apud aedem Sancti Ma-
turini, pro supplicatione peragenda ab Academia ad
aedem Sanctae Capellae Regalis Palatii Parisiensis, ad
reddendas gratias altissimo Deo pro reductione felici
huiusce almae urbis, prosperitate & felicissimo successu
Christianissimi & inuictissimi Domini nostri Henrici
III. Regis Francorum & Nauarrae, conseruatione
dictae urbis sub ditione & protectione dicti Domini no-
stri Regis, ac pro quampluribus alijs rebus ad Acade-
miam

51.
miam spectantibus, atque super supplicatione facta a
D. & Magistro Laurentio Bourceret artium Doctore
de vocandis in ius Iesuitis, ut omnino efficiantur.

Dicta Vniuersitas debite, ut moris est, hora solita conuocata, ex consensu unanimi, omnium Doctorum & Magistrorum singularum quatuor facultatum, & quatuor Procuratorum nationum nemine repugnante, censuit & determinauit, esse annuendum supplicationi dicti D. Bourceret, ideoque in iudicium & ius rite & conuenienter Iesuitas vocandos, ut efficiantur omnino. Eam ob rem censuit Vniuersitas ex singulis Ordinibus nominandos aliquot selectos viros, qui ea diligenter curent, quæ ad litem contra Iesuitas mouendam pertinent. Vnde facultas Theologorum nominauit D. Magistrum Adrianum d' Amboise summum Regiæ Nauarræ Moderatorem, & alium Doctorem, quem dictus Doctor d' Amboise voluerit eligere, Facultas Decretorum quæ acta sunt approbauit: & quia unicus tantum Doctor nomine D. David son aderat, promisit se nominaturum aliquem alium ex suis Doctoribus. Facultas autem Medicorum ordinauit D. & Magistrum Iacobum Cousinot. Postremo Facultas artium nominauit dictum Magistrum Bourceret, & D. Georgium Criton. Sicque statutum fuit unanimiter, & conclusum nemine reclamante per D. Iacobum d' Amboise Academiae Rectorem, totamque Academiam, Anno 18 die præfatis. Ita si-

L

gnatum

82.
gnatum, Dvvl. Et ad latus, visa per nos Re-
ctorem Iacobum d' Amboise. Et munita sigillo
cera rubra.

LIBELLVS SVPPLEX ACA-
DEMIAE AD EOSDEM FI-
NES PERTINENS.

Dominis nostris Curiae

Parlamenti.

SVPPlices rogant humiliter Rector, Decani & fa-
cultates, procuratores nationum, suppositi, & scho-
lares Parisiensis Academiae, dicentes iam inde à lon-
go tempore se apud Curiam conquestos esse causa
magnae perturbationis Academiam ipsam ingressa per
quandam Sectam nouam, quae certum suum tam in
Hispania quam locis circumstantibus habuit, am-
bitiosam qualitatem societatis nominis IESV assu-
mens sibi: quae omni tempore, praesertim verò ex
quo postremi tumultus extiterunt, se ipsa adiecit
totam partibus & inseruiuit factioni Hispanicae, ad
publici status desolationem tum in hac Parisiensi urbe,
tum in toto Regno Galliae & extra Regnum: quam
rem, simul ac Secta hac promota fuit, dicti suppli-
cantes animo praeiuderunt, & disertè praesignificaue-
runt,

runt: decreto facultatis Theologicæ per tempus illud
interposito, quo docetur hanc nouam Sectam intro-
ductam esse ad infringendum omnem ordinem, tam
politicum, quàm hierarchicum Ecclesiæ, atque adeo
nominatim ipsius Academiæ: recusantem obsequi
Rectori, atque etiam Archiepiscopis, Episcopis, Cui-
onibus, & alijs Superioribus in Ecclesia constitutis,
c suppositos quidem dictæ pratenſæ societatis Iesu
iam ante triginta annos, quo tempore nondum vene-
num suum in omnes alias Gallici Regni urbes effude-
rant, sed in hac urbe solum, libellum supplicem obtu-
lisse, ut reciperentur in corpus dictæ Academiæ: Quæ
causa quum cœpisset agi, consilium fuit constitutum,
& mandatum ut res eodem in statu permanerent ;
quo significabatur nihil à Iesuitis institui posse in frau-
dem aut præiudicium Arestu illius: cui tamen rei non
satisfecerunt, sed (quod amplius est) cum perniciosis
suis consilijs negotia status publici permiscentes, ni-
hil aliud præstiterunt, quàm ut administri & explora-
tores essent in hac nostra Gallia ad res Hispani pro-
mouendas, prout unicuique perspectum est: ea verò
actio constituto consilio non fuit deinceps agitata,
neque acta utrimque in litem comportata: qua ratio-
ne, instituta illa actio perempta est.

His expensis, Domini nostri Ampliſſimi, placeat vo-
bis de,

84.
bis decernere, ut ista Secta exterminetur, non solum
ex dicta Vniuersitate, sed etiam ex toto Regno Gale
liæ, atque ad hanc rem adiungi ad postulatum no
strum Dominum procuratorem Generalem Re gis.
Ita facturi estis quod æquum bonum est. Ita signa
tum *Le Royer.* & ad latus *d' Amboise.* *Academie*
Rector. & munitum sigillo ex cera rubra.

FINIS.

Varsanorum 1626. 26 Febr.

Audire dixisse R^m Legatum hdo vestra: Habebant
lespita pro suo favore sententiam: Si hdo ita sunt
requiro iudicium. Nam enim dicit sedem summam
ad favores inclinare. Christus est Veritas, Via, pax
Vicarius igitur Christi est Vicarius Veritatis, Viæ
atq; pacis. Rappachy ad personas quascunq; aut fa-
vorem lenitatem fuit diffusissimus. Sciunt autem hbi mu-
dum iudicaturum de iudicio aut Rotæ aut summi
Pontificis. Si quid diversum fiat, lapides atque clama-
bunt. Unionem nobis ne sanctus quidem Paulus per-
suasit, qui sanus artes omnes lespectus tam probe
quam septuagenarius aliquis lespecta, aut æ p^{er} h^{oc}. Re-
velabatur aliquando interum nos philosophum et
lud considerabimus: Eni, Unum, Verum, Bonum converti.
Magno intervallo distant Unum et Verum. Unū est
Unum. Verum multa continet. Lupus dū ovem
appetit, Unionem appetit. Vult enim carnem ovem
in suam hoc est lupi carnem converti. Multo hdo
Unū exemplar per occasionem tradit R^m Legato.
Vale. Ciceronis 26 Febr. 1626.



SIN e CERE monais
Si quid habes lesu vita ne gram hli partem
Qui foculum fingit latho vaser rapiat.

Gdy na Gmh
ta edict Bull
pa p...
wznie...
M... V... X...
legi in dca
notu
fuerunt lav...
unq...

Biblioteka Jagiellońska



stdr00000560

Biblioteka Jagiellońska.

